



PL  
2463  
Z6K83  
v. 12









四書一貫講

同里

陸稼書  
陸蒿菴

兩先生鑒定

孟子

朱熹集註

滕文公為世子章句上

凡五章

滕文公為世子將之楚過宋而

見孟子

世子太子也

孟子道性善言必稱堯舜

道言也性者人所稟於天以生

之理也渾然至善未嘗有惡人

於堯舜初無少異但衆人汨於

私欲而失之堯舜則無私欲之

孟子卷之三

當湖顧天健惕承著

男麒錫作三

孫嗣績陸懷

曾孫

廷棟隆吉  
廷幹汝霖

元孫丕烈全較訂

此章見聖凡同性只在勇往力行以為善便人人可至於聖以

總善為主前二節啓以性善而實其人後三節詳証性善而勵

其志堯舜即性善之形象二句串說要得敘事語氣當時所言

不一其要領不過如此夫道性善之道惟性一故道一三引証

總在道一上立論然道一二字不可入三人口中我丈夫我字

成颺景公俱在其內周公豈欺是儀自信亦可師文王意不重

周公師應重儀師方對針世子三段雖是証明道一然即有意



蔽而能克其性爾。故孟子與世子言每道性善而必稱堯舜以實之。欲其知仁義不假外求。聖人可學而至而不懈於用力也。門人不能悉記其辭而撮其大旨如此。程子曰性卽理也。天下之理原其所自。未有不善。喜怒哀樂未發何嘗不善。發而中節卽無往而不善。發不中節然後爲不善。故凡言善惡皆先善而後惡。言吉凶皆先吉而後凶。言是非皆先是而後非。

氣激昂勇於希聖意在內與下若藥瞑眩緊相照應引書以証爲善國雖兼爲治意然實在根源上說蓋性命事功一以貫之故註云去惡而爲善○人性皆善故見匪人而疾聞正人而慕所必然也然好善之性不能不蔽於物欲則性本善而不能爲卽爲之而因循不振亦安能成己之善以善其國況當國勢孱弱之餘奉事大國之不暇何暇爲不急之務如見賢耶乃滕文公則不然當其爲世子時以定公命將之楚以修朝貢道路所經雖宋不遠聞孟子在宋心慕其賢思求教益因行道過宋而見孟子緩於事大而急於好賢卽此可知其天性之善而可與有爲矣孟子得不以性善爲世子道之哉當日所道不一語而其大旨不外性善蓋世子異日雖有爲君治國之責而性爲治本苟不知性之本善則將汨於不仁不義之事其本旣壞其末可知故以此道之使知一個本源則去惡必勇爲善必力矣又



世子自楚反復見孟子曰

世子疑吾言乎夫道一而已矣

時人不知性之本善而以聖賢

爲不可企及故世子於孟子之

言不能無疑而復來求見蓋恐

別有畀近易行之說也孟子知

之故但告之如此以明古今聖

愚本同一性前言已盡無復有

他說也

成覿謂齊景公曰彼丈夫也我

丈夫也吾何畏彼哉顏淵曰舜

何人也予何人也有爲者亦若

恐世子雖知性善而或以非聖人不能全故發言性善必稱引

堯舜以實之謂堯舜至聖並無他異不過無後起之私不損其

性之善卽爲堯舜吾性旣善只要去私以復其善則亦如堯舜

矣何患難於爲君此正本澄源之教也獨是性學不明世儒且

迂之而況世子吾意世子自此一見後其意中必無孟子矣乃

將事畢自楚反竟復來見孟子殆深有味乎孟子之言思求教

益耳而孟子則恐其不信前言欲別求畀近易行之說故又曰

世子復來得無疑我言性善爲未易能全吾言堯舜爲不可企

及欲別求一易爲之道乎是性善一道性善之外又有一道也

使果有二道則吾可舍此一道別以一道言之而豈知夫道也

者止有一而已矣聖人此性善之道凡人亦此性善之道古人

此性善之道今人亦此性善之道舍此去私欲以復性善之道

更無他道也有何疑焉安見道一只看古成覿顏淵公明儀之



是公明儀曰文王我師也周公

豈欺我哉

成颺人姓名彼謂聖賢也有爲

者亦若是言人能有爲則皆如

舜也公明姓儀名魯賢人也文

王我師也蓋周公之言公明儀

亦以文王爲必可師故誦周公

之言而歎其不我欺也孟子既

告世子以道無二致而復引此

三言以明之欲世子篤信力行

以師聖賢不當復求他說也

今廢絕長補短將五十里也猶

言可見。颺謂齊景公曰。今人見說聖賢。便悚然畏之。殊不知彼聖賢何人哉。不過一丈夫也。我何人哉。亦依然一丈夫也。我得於天。無殊於彼。我具乎人。亦無殊於彼。何缺於彼。而畏彼哉。颺何言不畏。惟同一性善之道故也。則世子何疑於己性之未善。而畏夫堯舜耶。顏淵曰。人至舜而極。誠爲遠過於今之子。子似不能若舜矣。然而子思之。舜何等人也。與子之所以爲人者。無異也。子又何等人也。與舜之所以爲人者。亦無異也。同此人。則得於天。與具於人者。無不盡同。但吾不能奮發有爲。故遠於舜耳。若有一有爲者於此。則亦可若舜之爲聖矣。奮其爲之心。則亦可於人之理。無不明。奮其爲之力。則亦可於人之理。無不盡。淵何言亦若是。惟同一性善之道故也。則世子又何疑於己性之未善。而不勵其有爲之志。以若堯舜耶。公明儀曰。昔周公嘗曰。文王我師也。夫文王雖至聖。然必可師。且不難師。故周



可以為善國書曰若謏不瞋眩

厥疾不瘳

絕猶截也書商書說命篇瞋眩

憤亂言滕國雖小猶足為治但

恐安於卑近不能自克則不足

以去惡而為善也○愚按孟子之言性善始

見於此而詳具於告子之篇然默識而旁通之則七篇之中無

非此理其所以擴前聖之未發而有功於聖人之門程子之言

信矣

○滕定公薨世子謂然友曰昔

者孟嘗與我言於宋於心終

不忘今也不幸至於大故吾欲

公言之不然而公為是言是欺我矣夫周公也而豈然哉公信

公之可以師文我亦信我之可以師文矣儀何以信可師惟同

一性善之道故也則世子又何疑於性善之難為而不以堯舜

為師耶吾意世子必以滕為國小難為耳不知人能發憤為雄

雖尺土不階亦可大有為於天下如一成一旅是也而況今滕

絕其地之長者以補其地之短者將有五十里也有地有民則

為善有資苟以性善之道本之於身而達之於政則修己治人

之下國雖小猶可以為君明臣良風淳俗厚之善國特患為之

不能振奮勇猛以克去安於卑近因循怠廢之習則不足以為

善去惡而為善國矣書曰若藥不瞋眩厥疾不瘳亦猶是也世

子無疑吾言而勉之亦如成觀顏淵公明儀之信師無畏而勇

於有為是以瞋眩之藥治疾也則可全其性善而一如堯舜矣

又何難於為國也哉孟子此言真切於啓牖世子者乎



使子問於孟子然後行事

定公文公父也。然友世子之傅也。大故大喪也。事謂喪禮。

然友之鄒問於孟子。孟子曰。不亦善乎。親喪固所自盡也。曾子曰。生事之以禮。死葬之以禮。祭之以禮。可謂孝矣。諸侯之禮。吾未之學也。雖然。吾嘗聞之矣。三年之喪。齊疏之服。飧粥之食。自天子達於庶人。三代共之。

當時諸侯莫能行古喪禮。而文公獨能以此爲問。故孟子善之。

此章見喪禮貴乎自盡。只重親喪固所自盡一句。後不可他求。是在世子堅其所自盡也。是誠在我信其在自盡也。可謂曰知弔者大悅。自盡者所感動也。正見人性本善而皆可爲堯舜處。曾子生事數句。對當時廢禮者言。宜主不及一邊。與論語對僭禮者言。主過一邊不同。○人性惟本善。故說到懇惻之處。與行到懇惻之處。皆足以動人而使之向善。服善而不自由。當膝定。



又言父母之喪。固人子之心。所自盡者。蓋悲哀之情。痛疾之意。非自外至。宜乎文公於此。有所不能自己也。但所引曾子之言。本孔子告樊遲者。豈曾子嘗誦之以告其門人歟。三年之喪者。子生三年。然後免於父母之懷。故父母之喪。必以三年也。齊衣下絰也。不緝曰斬衰。緝之曰齊衰。疏麤也。麤布也。紆麤也。喪禮三日始食粥。既葬乃疏食。此古今貴賤通行之禮也。

公薨。世子謂其傅然友曰。昔者孟子嘗與我言性善。堯舜可爲之道。於宋吾思念其言於心。甚覺有味。於今終不遺忘。今也不幸至遭此大變。故將行喪葬之事。不知何如。方可不悖其性之善。而勿致得罪於堯舜聖人。故吾欲使子問於孟子。然後好行事。夫不問父兄百官。而問孟子。便是欲希古聖。卽性善之見端也。然友因之。鄒問於孟子。孟子曰。當喪禮廢壞之時。獨能以此爲問。有志盡孝。不亦善乎。夫父母之喪。根乎天性。發乎至情。固爲人子者所無待勉強。自欲竭盡而不能已者。宜乎世子之有此問也。然欲盡親喪。必依乎禮。昔曾子曰。生時左右就養而事之。必以禮。死後始而棺槨。衣衾以葬之。必以禮。繼而禭祠蒸嘗以祭之。亦必以禮。總不敢不及。則可謂孝矣。此曾子泛論人子之禮。世子諸侯也。諸侯之喪禮。典章殘缺。其詳吾未之學也。雖然分位殊。而禮之人人當盡者。則無殊。吾嘗學之。而聞其說矣。



然友反命定爲三年之喪父兄  
百官皆不欲曰吾宗國魯先君  
莫之行吾先君亦莫之行也至  
於子之身而反之不可且志曰  
喪祭從先祖曰吾有所受之也  
父兄同姓老臣也滕與魯俱文  
王之後而魯祖周公爲長兄弟  
宗之故滕謂魯爲宗國也然謂  
二國不行三年之喪者乃其後  
世之失非周公之法本然也志  
記也引志之言而釋其意以爲

其大畧父母之喪必以三年所以稍報三年懷抱之恩於萬一  
三年之內所服者齊疏所食者飫粥此禮上自天子以下達於  
庶人無貴賤之別而夏商周三代時人共行之無古今之異也  
世子遵行此禮而已然友反命於世子世子深信不疑遂定爲  
三年之喪重勇於從善者矣無如古禮久廢忽欲反古人心驚  
駭故同姓父兄異姓百官皆不欲世子行而曰人君行事當上  
法宗國次法先君今吾宗國魯之近時先君莫之行卽吾近時  
先君亦莫之行也至於子之身獨與魯先君吾先君反之背棄  
先人制度不可且志言有曰凡喪祭三事必從先祖其意蓋曰  
吾所行之禮有所傳受非後人之私意所可改也揆之志言更  
知其不可行矣世子見羣臣不從乃追悔前失謂然友曰人欲  
作事服人必徵信於素行無如吾他日未嘗學問故不知力行  
所以如此者蓋爲上世以來有善事但好馳馬爲樂試劒爲勇素行無良如此不足取信於人



所傳受雖或不同。不可改也。然志所言。本謂先王之世。舊俗所傳。禮文小異。而可以通行者耳。不謂後世失禮之甚者也。

謂然友曰。君他日未嘗學問。好馳馬試劍。今也父兄百官不我足也。恐其不能盡於大事。子爲我問孟子。然友復之。鄒問孟子。孟子曰。然不可以他求者也。孔子曰。君薨。聽於冢宰。歆粥而深。墨卽位而哭。百官有司莫敢不哀先之也。上有好者。下必有甚。

故今也父兄百官皆不滿足我行此喪禮也。彼衆我寡。恐其不能盡我心。以行此大事。將如之何。爲我再去問孟子。何以使父兄百官無異詞也。然友復之。鄒問孟子。孟子曰。當喪禮廢壞之久。世子平生又未足信人。一旦欲行古禮。而父兄百官不足誠有然也。然爲世子計。但當求之於己。不可以他求於人也。隨他足不足。不必問他。世子唯自盡而已。孔子曰。君薨。則爲嗣君者。以百官職事。聽命於冢宰。但見哀痛之至。食不下咽。止歆粥。視其面容。顏衰毀如深墨。然卽就喪次之位。朝夕哭臨。此時百官有司見之。莫有一人敢不哀者。百官有司情誼本疎。而何爲亦生其哀。無他以嗣君之哀痛。有以感動其良心。而率先之也。蓋上主率而下主從。故上凡有所好以率下。則下之從其所好。必更有甚焉者矣。豈特居喪哀痛之心爲然。夫君子之好。卽君子之德也。德之感下。取而譬之。如風一般。小人之好。卽小人之



焉者矣。君子之德風也。小人之德草也。草尚之風必偃。是在世子。

子。不我足。謂不以我滿足其意也。然者。然其不我足之言。不可他求者。言當責之於己。冢宰六卿之長也。歡飲也。深墨甚黑色也。卽就也。尚加也。論語作上古字通也。偃伏也。孟子言但在世子自盡其哀而已。

然友反命。世子曰。然是誠在我。五月居廬。未有命戒百官族人。

德也。德之應上。取而譬之。如草一般。草而上之以風。則草必隨風而偃。小人而被以君子之德。則小人必從君子而趨。必然之理也。孔子之言如此。今世子在上之君子也。肯自盡其哀。則父兄百官莫敢不哀矣。是在世子自爲而已。豈可他求哉。然友反命。世子問之曰。孟子說不可他求。然也是三年喪之必行與否。誠在乎我之自盡而已。於是將國政託之冢宰。而自居於喪次之廬。諸侯五月而葬。循其禮。五月之內。未有命令告戒。只見百官父兄莫不感悟。皆相謂曰。世子可謂知禮者矣。及至葬。四方諸侯之來弔者。觀之。但見世子顏色之慘戚。哭泣之哀痛。大足感動人情。莫不大悅服其能盡禮。而稱譽其孝。世子能自盡而遠近之人無不感泣。眞孔子所謂上有好而下必甚焉也。卽此可見人性皆善。而堯舜人皆可爲。洵不誣矣。



可謂曰知及至葬四方來觀之  
顏色之戚哭泣之哀弔者大悅

諸侯五月而葬未葬居倚廬於

中門之外居喪不言故未有命

令教戒也可謂曰知疑有闕誤

或曰皆謂世子之知禮也氏曰林

孟子之時喪禮既壞然三年之

喪惻隱之心痛疾之意出於人

心之所固有者初未嘗亡也惟

其溺於流俗之弊是以喪其良

心而不自知耳文公見孟子而

聞性善堯舜之說則固有以啓

發其良心矣是以至此而哀痛

之誠心發焉及其父兄百官皆  
不欲行則亦反躬自責悼其前  
行之不足以取信而不敢有非  
其父兄百官之心雖其資質有  
過人者而學問之力亦不可誣  
此章見為國之道當以民事為急其要在制恒產以行助法而  
行助之要又在正經界教以維持夫養故只重養民世祿即在  
助法內故後半只言井田通章之綱只民事不可緩一句恭以  
禮下引起世祿儉以取民引起行助行助而後教可興然能言  
者行助之畧而不能代為潤澤此皆不可緩民事而為為國之  
道引詩証不緩只重播穀不重乘屋民之為道節明所以不可  
緩之故下因言不緩之實恭儉以德言禮下取民有制以事言  
賜貨節結上起下貨意重為富一邊引來重為仁一邊貨何知  
有仁須淺淺說故天理人欲不可入貨口中夫世祿節不重特



也。及其斷然行之而遠近見聞無不悅服。則以人心之所同然者。自我發之。而彼之心悅誠服。亦有所不期然而然者。人性之善。豈不信哉。

### ○滕文公問爲國

文公以禮聘孟子。故孟子至滕。而文公問之。

孟子曰：「民事不可緩也。」詩云：「晝爾于茅。宵爾索綯。亟其乘屋。其

始播百穀。」

民事。謂農事。詩。豳風。七月之篇。于往取也。綯。絞也。亟。急也。乘。升也。播。布也。言農事至重。人君不

以引起下行。助有王者起。二節說效以歆動之一節。深一節。仁政。包分田制祿之常法外之恩。而緊要在正經界。蓋不均。頃。不正。不平。領不均。制祿。領分田。不可平列。夫滕節是推原分田制祿之由。不重相須。意只言必有此二等人。以見分田制祿之必不可廢。自賦自字對助法。八家而言。八家則同養公田。而貢法則自供一夫之賦而已。圭田之制。單與現在位者。若罷官。則其田仍歸朝廷。其子孫自有世祿在也。親睦。只在同井中和氣上說。尚未說到教化行風俗美處。同養者。乃各耕公田十畝。餘二十畝爲廬舍。別野人句。連公事畢二句說。大畧是說大概規模盡於此。由此行去。其法可以類推。非謂此外另有詳細處。故下不曰增益而曰潤澤。潤澤非文飾之謂。是和軟圓活的意思。



可以爲緩而忽之。故引詩言治  
屋之急如此者。蓋以來春將復  
始播百穀而不暇爲此也。

民之爲道也。有恒產者有恒心。  
無恒產者無恒心。苟無恒心。放  
辟邪侈。無不爲已。及陷乎罪。然  
後從而刑之。是罔民也。焉有仁  
人在位。罔民而可爲也。

是故賢君必恭儉禮下。取於民  
有制。  
恭則能以禮接下。儉則能取民  
以制。

○天之立君。無非爲民。爲民不外法古。法古制之善者而參之。  
以今時之宜。使民皆得以遂生而復性。斯君臣之責盡。國亦可  
以振興而無虞。不觀孟子之告滕文公者乎。昔文公不念孟子  
可爲善國之語。而問爲國之道於孟子。孟子曰。國何事。民事卽  
國事。世主唯視國爲國。若無與於民。視民爲民。若無與於國。所  
以怠緩民事。而國非其國。抑知民爲邦本。食爲民天。故民之農  
事。有國者所當汲汲焉。預爲之經畫。區處使之得盡力於田畝。  
以各生養安全焉。而如置之後圖。怠緩不理。則斷斷不可也。此



陽虎曰爲富不仁矣爲仁不富矣

陽虎陽貨魯季氏家臣也天理人欲不容並立虎之言此恐爲仁之害於富也孟子引之恐爲富之害於仁也君子小人每相反而已矣

夏后氏五十而貢殷人七十而助周人百畝而徹其實皆什一也徹者徹也助者藉也

此以下乃言制民常產與其取之之制也夏時一夫受田五十

非我之私言昔周公嘗得此意以戒成王矣詩豳風有云爾其於書往取田野之茅以爲覆屋之資爾其於宵將草綯絞爲索以爲約茅之用及此農隙之暇亟升乘其屋而茨蓋之以蔽風雨而禦寒威蓋爲其將來春始又欲播種百穀不暇兼此乘屋之計也公述邠民之自急其事如此以戒成王之不可不亟於民事則吾之云民事不可緩不可信哉



畝而每夫計其五畝之入以爲貢。商人始爲井田之制以六百三十畝之地畫爲九區。區七十畝。中爲公田。其外八家各授一區。但借其力以助耕公田。而不復稅其私田。周時一夫授田百畝。鄉遂用貢法。十夫有溝。都鄙用助法。八家同井。耕則通力而作。收則計畝而分。故謂之徹。其實皆什一者。貢法固以十分之一爲常數。惟助法乃是九一。而商制不可考。周制則公田百畝。

民事所當亟者何。則惟恒產。蓋恒產之係於民者。非淺也。爲國者必使民改惡遷善。以全其固有之恒心。而後無叛亂之憂。顧恒心何自而有。彼民之爲道也。必有口分世業之恒產。而後有秉彝好德之恒心。若無恒產者。則遂無恒心矣。苟無恒心。則放縱也。偏僻也。邪妄也。侈肆也。諸惡無不爲已。此乃民情之常。則其爲惡。雖陷於罪。而猶可原。乃平時不知預爲之所。使不犯罪。及陷乎罪。然後以爲不可不治。從而刑之。是上實乘其不知。而羅罔其民於刑也。不仁甚矣。焉有仁人在位。罔民之事。而可爲也。恒產之所係如此。此民事之所以不可緩耳。爲是之故。古之賢君。知不可以無輔理民事之臣。必盡其恭敬之德。以持身。不可以無愛恤民事之心。必盡其儉約之德。以自奉。恭則能忠。信重祿待臣下。以禮儉則能酌制民產。取於民有節制。蓋以人君當爲仁而不禮下。不取民有制。是兼爲富矣。夫爲仁而可兼爲



中以二十畝為廬舍。一夫所耕。富哉。昔陽貨曰。人而為富。即不得復為仁矣。猶夫人而為仁。即不得復為富矣。貨雖非知仁者。而即其言觀之。可見天理人欲。不容並立。欲為不罔民之仁。君當思所以自克矣。安得不禮下。取於民有制哉。

一矣。竊料商制亦當似此。而以十四畝為廬舍。一夫實耕公田七畝。是亦不過什一也。徹通也。均也。藉借也。

龍子曰。治地莫善於助。莫不善於貢。貢者。校數歲之中。以為常樂歲。粒米狼戾。多取之。而不為虐。則寡取之。凶年糞其田。而不足。則必取盈焉。為民父母。使民

何如。請觀三代夏后氏世處中古。又當泛濫甫平。地之所耕者。顧禮下之經。即在制民恒產。取之有制之中。其制產取民之制。



盼盼然將終歲勤動不得以養其父母又稱貸而益之使老稚轉乎溝壑惡在其爲民父母也龍子古賢人狼戾猶狼籍言多也糞壅也盈滿也盼恨視也勤動勞苦也稱舉也貸借也取物於人而出息以償之也益之以足取盈之數也稚幼子也

### 夫世祿滕固行之矣

孟子嘗言文王治岐耕者九一仕者世祿二者王政之本也今世祿滕已行之惟助法未行故

尚少未便畫井故其制每夫止受田五十畝而其取之則用貢法至殷人則地已盡墾民家繁衍故其制廣之至七十畝而其取之則畫爲井地用助法至周人則地愈闢家愈繁故其制又廣之至百畝而其取之則亦畫爲井田用徹法田數多寡雖不同貢助徹名雖不同而其實皆什分中而取其一分貢則取五畝之賦助則取七畝之賦徹則取十畝之賦直取民有制者也吾爲繹其義貢義易曉不過取以下貢上耳若所謂徹也者其義取耕則八家通力合作夫公私之田收則八家計畝均分夫公私之獲上下公私豐凶多寡一體相通何等公溥也所謂助者其義取公家不問其私田而但借民八家之力以助耕中之公田公自取公私自取私無催納貢獻之勞無科派侵漁之弊何等簡便也然則雖皆什一而其中必有善不善之分矣昔者龍子故嘗言之曰自古人君治理土地莫善於助法莫不善於



取於民者無制耳。蓋世祿者授之上田。使之食其公田之入。實與助法相爲表裏。所以使君子野人各有定業。而上下相安者也。故下文遂言助法。

詩云。雨我公田。遂及我私。惟助爲有公田。由此觀之。雖周亦助也。

詩小雅大田之篇。雨降雨也。言願天雨於公田。而遂及私田。先公而後私也。當時助法盡廢。輿籍不存。惟有此詩。可見周亦用

貢法。貢何以不善。蓋歲有豐歉。取民者必視豐歉。以爲變通。而不可有常。乃夏后氏恐取之無常。額得以意爲增減。設以凶歲爲常。或致病國。以豐歲爲常。又慮病民。故於數歲之內而校之。擇其不歉不豐之中歲所出。而什取其一。以爲常額。使民貢於上焉。非不恤民也。孰知卽在額中。其病民已甚乎。當豐樂之歲。民間所獲粒米甚廣。不甚愛恤。狼戾棄擲。此時上卽於額外多取之。民尚有餘。不爲虐民也。反寡取之。非寡也。拘於常額。則寡矣。至凶荒之年。民間所獲抵償糞其田之費。尚且不足。自宜捐其貢賦。而拘於常額。取之必盈其數焉。非貪也。力不能盈。則虐矣。寡取不爲恩。取盈則生怨。人君本以爲民父母。愛養斯民者也。而今使民怨積於心。形於目。盼盼然恨視其上。將終其歲。勤勞於動作。其所出不得稍寬。以養其父母。盡以供上。猶且不足。又稱舉貸借於人。雖權子母而不恤。以益取盈之額。致使老而



助故引之也

設爲庠序學校以教之庠者養也校者教也序者射也夏曰校

父母稚而子女饑餓而死轉乎溝壑殘民如此惡在其爲民父母也貢之不善如此孰若助法隨公田所得之多寡而取之安有是弊哉卽龍子此言可見助法之當行矣

殷曰序周曰庠學則三代共之

皆所以明人倫也人倫明於上

小民親於下

庠以養老爲義校以教民爲義

序以習射爲義皆鄉學也學國

學也其之無異名也倫序也父

子有親君臣有義夫婦有別長

幼有序朋友有信此人之大倫

也庠序學校皆以明此而已

夫助法中之公田卽禮下之世祿皆有國者所當行之良法乃先王所制之世祿滕固已奉行之而不廢矣而助法未行則取民無制固非愛民而世祿不準於公田亦不免於貪暴非所以



有王者起必來取法是爲王者師也

滕國編小雖行仁政未必能興王業然爲王者師則雖不有天下而其澤亦足以及天下矣聖賢至公無我之心於此可見

詩云周雖舊邦其命維新文王之謂也子力行之亦以新子之

國

詩大雅文王之篇言周雖后稷

以來舊爲諸侯其受天命而有天下則自文王始也子指文公

養廉矣。今人主之不肯行助者得無以爲非周制乎。乃我嘗讀周詩有云。雨我公田。遂及我私田。我思惟殷之助法爲有公田。今周詩亦歌之。由此詩觀之。則雖周之徹法亦兼用助也。周本行之則今行助法。並非生今反古。與徹相背。公何不行之以并善其世祿耶。助行而民有養。則恒心可復。而教化不行。究無以保其恒心。必也。又設爲庠序學校以教之。庠序校乃鄉學。而其義各有所取。庠者取義維何。蓋義也。庠不止養老。而因播耒耜老之後。欲人知尊親之義。故獨重此也。校者取義維何。蓋教也。校不止教以禮義。而承堯舜揖遜之後。欲民富而知禮。故獨重此也。序者取義維何。蓋射也。序不止習射。而當改革夏命之後。欲序賢觀德。以消兵刑之氣。故獨重此也。而其名則何代所定。在夏則曰校。在殷則曰序。在周則曰庠。義與名。三代雖未嘗其皆爲教鄉學之子弟者。若夫建於天子諸侯國中之學。以教元



諸侯未踰年之稱也。

使畢戰問井地。孟子曰：子之君將行仁政，選擇而使子，子必勉之。夫仁政必自經界始。經界不正，井地不均，穀祿不平，是故暴君污吏必慢其經界。經界既正，分田制祿可坐而定也。

畢戰、滕臣。文公因孟子之言而使畢戰主爲井地之事。故又使之來問其詳也。井地卽井田也。經界謂治地分田。經畫其溝塗封植之界也。此法不修則田無

子卿大夫士之適子及鄉學所貢民之俊秀，則三代其謂之學而無異義異名也。凡此鄉學國學中立之師，儒設之條約以教之者，蓋以人各有五倫之序，恐人不明而背之，故自鄉及國教之。周詳者皆所以講明夫人倫親義序別信之道也。夫倫之明否，關係於小民者不淺。小民無知，處倫類之中，其情義最易乖離，則悖逆爭鬪從茲而起。雖富饒必至於貧乏，今如是設教以明之，則人倫已無不講明於上矣。小民服其教而知貴賤親疏各有其等，不可混淆，各有其情，不可攜貳。自此相愛相親之下，風俗淳厚，長治久安矣。助以養民教以維養，此皆民事之不可緩者也。公能行之，雖國勢弱小未必卽及身而王，而將來有王者受命而起，必來取法於滕，是爲王者之師，而公之仁澤亦及於後世矣。而況興王之業亦有可期。詩云：周雖舊邦，而天之眷命則維甚新。此詩乃文王之謂也。可見凡爲舊邦無不可新，特



定分而豪強得以兼并。故井地有不均。賦無定法。而貪暴得以多取。故穀祿有不平。此欲行仁政者之所以必從此始。而暴君汙吏則必欲慢而廢之也。有以正之。則分田制祿可不勞而定矣。

夫滕壤地褊小。將爲君子焉。將爲野人焉。無君子莫治。野人無野人莫養君子。

言滕地雖小。然其間亦必有爲君子而仕者。亦必有爲野人而法古將欲行之君。不能獨行。必須臣輔之。而滕臣不必盡能輔。

愚君行此王政。不力耳。子若奮然而力行之。亦如文王則舊業日增。天命必歸。亦以新子之國。成王業如文王矣。爲國之道無踰於此。

文公聞孟子言。意欲行之。因使其臣畢戰訪問井地之制。何如。孟子曰。井地。仁政也。行之久。無其君矣。不意子之君竟能有志。



耕者是以分田制祿之法不可偏廢也。

請野九一而助國中什一使自

賦

此分田制祿之常法所以治野人使養君子也野郊外都鄙之地也九一而助爲公田而行助法也國中郊門之內鄉遂之地也田不井授但爲溝洫使什而自賦其一蓋用貢法也周所謂徹法者蓋如此以此推之當時非惟助法不行其貢亦不止什

君故選擇焉獨以子爲能使來問重任專責也子若不勉力同心以成就子君之美事則負此使矣故必勉之而後可夫人君仁民之政不止經界而其至要不可不急急先行者必自經界始何故必以此爲始蓋經界也者井地係之穀祿亦係之若於井之溝而水道塗而阡陌封植而土埃而樹木其界限不先經畫得分明一準百畝之數則不正矣不正則井中公私之地豪強得以兼并夫懦弱之田而田之多寡不均不均則出穀賦以爲俸祿者貪暴得以多取私田之入而祿之厚薄不平是故暴虐之君貪污之吏必怠慢其經界故亂之以恣其所欲則下病而上亦將受其害蓋必經界旣正絕無兼并侵漁則於以分公私之田而田可坐而定無不均矣田定則祿卽制於公田之中亦可坐而定無不平矣何勞之有焉此仁政所以必自經界始耳。



一矣。

卿以下必有圭田圭田五十畝

此世祿常制之外又有圭田所

以厚君子也圭潔也所以奉祭

祀也不言世祿者滕已有之但

此未備耳。

餘夫二十五畝

程子曰一夫上父母下妻子以

五口八口爲率受田百畝如有

弟是餘夫也年十六別受田二

十五畝俟其壯而有室然後更

受百畝之田愚按此百畝常制

夫所以必分田制祿者何哉無非以爲此君子小人也分田以

爲無位之小人而卽以爲君子制祿以爲有位之君子而卽以

爲小人蓋欲使小人有常業而出賦稅以養君子君子食官祿

而勞政事以治小人也今滕國壤地雖止五十里而編小乎將

必有爲君子者焉將必有爲小人者焉若使無君子則莫爲之

治理野人無野人則莫爲之奉養君子君子小人相資而不可



之外。又有餘夫之田。以厚野人。

也。  
死徙無出鄉。鄉田同井。出入相友。守望相助。疾病相扶持。則百姓親睦。

死謂葬也。徙謂徙其居也。同井者。八家也。友。猶伴也。守望。防寇盜也。

方里而井。井九百畝。其中爲公田。八家皆私百畝。同養公田。公事畢。然後敢治私事。所以別野人也。

缺而謂田。可不分祿。可不制乎。試言正經界以定分。田制祿之常法。地有可井者。則野是也。郊野都鄙之地。空曠方正。可畫爲萬夫之井。請君於野。將地畫爲九區。中一區爲公田。而八家助耕。則行助法。地有不可井者。則國中是也。郊內鄉遂之地。多園廛。漆林。不便畫成一井之形。請君於國中。將地絕長補短。約有百畝。卽授一夫。使各自貢其什一之賦於上。則用貢法。貢助兼行。乃周之微法也。田如此分定。而君子之祿。卽在一之中。則君子養而野人治矣。而世祿常制之外。又有厚君子之仁焉。自卿以下。至於士。有世祿以養其廉矣。又慮其不足以祭先。於是又予之以田。使其潔奉先人之祭祀。故名圭田。此無論尊卑。必有者也。而其制。則以五十畝爲率。取公田而中分之。使兩臣共焉。榮及先人。所以教孝而教忠。亦寓其間矣。百畝常制之外。又有厚小人之仁焉。農夫仰事俯育。有百畝以厚其生矣。又慮其餘



此詳言井田形體之制。乃周之外之弟。坐耗其食。於是又授之以田。使其習勤助養。以成家。名助法也。公田以爲君子之祿。而私田野人之所受。先公後私。所以別君子野人之分也。不言君子據野人而言。省文耳。上言野及國中二法。此獨詳於治野者。國中貢法當時已行。但取之過於什一爾。

此其大畧也。若夫潤澤之則在

君與子矣。

井地之法。諸侯皆去其籍。此特其大畧而已。潤澤謂國時制宜。

日餘夫之用。蓋年方十六始予之者也。而其制則以二十五畝爲率。取私田而四分之。使四人共焉。恤及同氣。所以行慈而示勸。卽寓其內矣。使非制井田。何以有此法外之仁乎。

且此井田行。不特厚民生。并以善民俗。民安世業。凡死而葬埋者。從而另居者。皆不出其鄉。以所居之鄉分田在焉。同此一井。協力共事已久也。故惟同井則出而作。入而息。相與友愛而爭。



使合於人情。宜於土俗而不失。訟以息。近爲守。遠爲警。相爲輔助。而盜賊以弭。一家有疾病。則

平先王之意也。

呂氏曰。子張子慨然有意三

代之治。論治人先務。未始不以經界爲急。講求法制。粲然備見。要之。可以行於今。如有用我者。舉而措之耳。嘗曰。仁政必自經界始。貧富不均。教養無法。雖欲言治。皆苟而已。世之病難行者。未始不以亟奪富人之田爲辭。然茲法之行。悅之者衆。苟處之有術。期以數年。不刑一人。而可復所病者。特上之未行耳。乃言曰。縱不能行之天下。猶可驗之一鄉。方與學者議古之法。買田一方。畫爲數井。上不失公家之賦。役退以其私。正經界。分宅里。立斂法。廣儲蓄。興學校。成禮俗。救蓄卹患。厚本抑末。足以推先王之道。法明當今之可行。有志未就而卒。愚按喪禮經界兩章。見孟子之學識其大者。是以雖當禮法廢壞之後。制度節文

八家相與出力扶持。而災患無虞。如此。則雖未嘗教以親遜和睦。而百姓已自能然。民俗且因之而善。不益見井田之善哉。井田之形體。何如。規畫其地。每方正一里。畫成爲井字之形。一井共九區。皆百畝。其中一區爲公家之田。外八區各百畝。則爲八家之私田。八家同出力以養公田。各將十畝耕之。耘之。穫之。是謂同養。而私田耕耘穫之事。且緩之。必公田每一事畢。然後敢治理其私事。其先公後私者。何意。乃所以分別野人之賤。不得擬於君子之貴。君子旣勞心以治野人。則野人自應勞力以養君子。其分當然也。中公外私以定分。先公後私以篤情。卽井田形體之制。而助之可行。又見矣。凡此所言。正經界。分田制祿之常法外之仁親睦之俗。形體之制。乃先王之大畧也。雖其詳不可得聞。而以此行之。可以類而推。故其規模畧盡於此。然此不



不可復考而能因畧以致詳推舊而為新不屑屑於既往之迹而能合乎先王之意直可謂命世亞聖之才矣

○有為神農之言者許行自楚之滕踵門而告文公曰遠方之人聞君行仁政願受一廛而為氓文公與之處其徒數十人皆衣褐捆屨織席以為食

神農炎帝神農氏始為耒耜教民稼穡者也為其言者史遷所謂農家者流也許姓行名也踵門足至門也仁政上章所言井地之法也農民所居也氓野人

過徒法耳若要行得通必須潤澤蓋古今異時彼此異地不可執泥成法為之變通於法之外而又不失乎法之意使人情允協土俗皆宜是謂潤澤此必身親其事者方可相機度勢而為之非事外之人可以懸斷故大畧則吾可為子言之若夫潤澤之則不在我而在君為之主子為之輔以成其事而已矣此吾所以欲子之勉之也觀孟子之言而知法古參今以急於民事重振興國家之要道文公雖有志而未逮而孟子又無由躬為之亦良可惜哉



之稱褐毛布賤者之服也。捆扣  
豚之欲其堅也。以爲食。實以供  
食也。程子曰。許行所謂神農之  
言。乃後世稱述上古之事。失其  
義理者耳。猶陰陽醫方。稱黃帝  
之說也。

陳良之徒陳相與其弟辛。負耒  
耜而自宋之滕。曰。聞君行聖人  
之政。是亦聖人也。願爲聖人配  
陳良。楚之儒者。耜所以起土。耒  
其柄也。

陳相見許行而大悅。盡棄其學。

此章是孟子闢邪說以衛正道。見無君不可以爲治。悖師不可  
以爲學。而物價必不可齊。然闢倍師齊價。無非所以闢並耕通  
重治天下。獨可耕且爲一句。前責以耕不能並他業。引起治不  
能並耕。後申明此句。說出大人小人之不同。而歷引古聖以証  
之以見神農之說之無據。堯至周孔皆勞心者。而以堯舜之憂  
爲主。未聞道只寬說。暗與神農相關。並耕二句。托神農之言。串  
下以並耕爲主。雖刺滕君而實以非孟子之說。種粟句是一頭  
衣冠作一腳。見耕之外不能並乎他。釜甑鐵作一腳。見耕之中  
不能兼乎器。以粟易械器四句。緊承上來。言農末不相屬。而相  
濟。尚是就許子易害之說。而原其意。未是闢他。且許子五句。方  
以農末難相兼。意叠詰之以勾引其不可耕且爲之句。五句與  
何爲不自織句對。百工之事二句。與害於耕句對。有大人二句。  
又提起作綱。下申明之。又以小人不能兼大人。引起勞心勞力。



而學焉陳相見孟子道許行之

言曰滕君則誠賢君也雖然未

聞道也賢者與民並耕而食饔

飧而治今也滕有倉廩府庫則

是厲民而以自養也惡得賢

饔飧熟食也朝曰饔夕曰飧言

當自炊爨以為食而兼治民事

也厲病也許行此言蓋欲陰壞

孟子分別君子野人之法

孟子曰許子必種粟而後食乎

曰然許子必織布而後衣乎曰

否許子衣褐許子冠乎曰冠曰

之兩相濟而不相兼當堯之時以下反覆証明治人者食於人

一句之意數憂字正勞心處以益引起禹以稷引起契雖有水

火養教四事而歸重治水與教上兩節似案堯以不得二節似

斷隨引孔子之言以証明憂之大三提耕字以應獨可耕句前

兩提總見不暇耕意後斷証三節總見不必耕意而歸重在

必耕上以不得人為己憂見憂之大謂之仁見功之大得人難

言功之所以大引孔子言不重贊堯舜只將無名不與四字喝

起堯舜之用心用夏節只責倍師至南蠻節方責學許行孔子

沒節歷敘諸弟子之不倍師而歸重曾子不可貶子夏三人喻

聖德不在江漢秋陽而在所暴濯者不可尚對從來聖人言不

與有若較優劣今也三節一節深一節正應變於夷處市賈不

二是主無僞又在其中推出欲以齊物貴賤之可行見齊人貴賤之亦可行乃是遁辭陳相口中且莫說出精粗美惡意巨履



奚冠曰冠者自織之與曰否

以下申明亂天下意治國家繳轉並耕而治治字

以粟易之曰許子奚為不自織

曰害於耕曰許子以釜甑爨以

鐵耕乎曰然自為之與曰否以

粟易之

釜所以煮甑所以炊爨然火也

鐵耜屬也此語八反皆孟子問

而陳相對也

以粟易械器者不為厲陶冶陶

冶亦以其械器易粟者豈為厲

農矣哉且許子何不為陶冶舍

皆取諸其宮中而用之何為紛

○從來君與民分相懸而勢相資無民固不可以為君故理當  
恤民而無君亦不可以為民故分當奉君此自古帝王治天下  
之正道後之師儒不得變易其說者也乃不意變之者竟有一  
許行楚人許行因文公欲行孟子分別君子野人之法而欲壞

之託為神農荒遠無稽之言以蠱惑時人遂自楚之滕踵文公  
之門而告之曰吾遠方之人也聞君分田制祿而行仁政願受  
一廛之居而為君之氓明志在耕者文公見方行之始遠人慕  
化歸誠如此信之實然於是與之居處但見其徒有數十人呼  
朋引類志在倡亂可知其身所衣則皆褐以自明其無別之意



紛然與百工交易何許子之不  
憚煩曰百工之事固不可耕且  
爲也

此孟子言而陳相對也。械器釜  
餽之屬也。陶爲甑者治爲釜鐵  
者舍止也。或讀屬上句舍謂作  
陶冶之處也。

然則治天下獨可耕且爲與有  
大人之事有小人之事且一人  
之身而百工之所爲備如必自  
爲而後用之是率天下而路也  
故曰或勞心或勞力勞心者治

其業則相與捫屨織席以爲食以見各自食其力之意。卽一徒  
一衣一食已別自成一種習尚矣。許行之後又有一人名陳相  
乃楚儒陳良之徒。並非若奉神農之言者。其所與偕者乃其弟  
名辛者一人而已。並非若數十人之多。二人躬負耒耜而自宋  
之滕。並非兼業捫織生長蠻夷者也。其言則曰。聞君行三代聖  
人之政。是亦今之聖人也。願爲聖人。限以沽仁政之澤焉。言雖  
與許行相類。然考其所師觀其所與所業。則知其言乃出於誠  
心向化。欲受田而來。何嘗遽如許行欲售其邪說以亂滕耶。

無如邪說之易以惑人也。陳相一見許行而大悅其言。因盡棄



人勞力者治於人治於人者食  
人治人者食於人天下之通義  
也

此以下皆孟子言也路謂奔走  
道路無時休息也治於人者見  
治於人也食人者出賦稅以給  
公上也食於人者見食於人也  
此四句皆古語而孟子引之也  
君子無小人則饑小人無君子  
則亂以此相易正猶農夫陶冶  
以粟與械器相易乃所以相濟  
而非所以相病也治天下者豈

其所學於陳良者而學行焉既學其道便欲爲行昌明其說以  
敵孟子乃特來見而稱道行言曰滕君有志復古以行仁政則  
誠賢君也雖然賢君自有賢君之道滕君尚未之聞也自古賢  
君寧勞己以養民不勞民以自養故民自耕而自食其力君亦  
自耕而自食其力與民並作息而無殊其食而爲朝饔爲夕殮  
亦並不役人而自主其事以治理民事如此方爲賢君今也滕  
國仍有倉廩府庫以歛民之財粟則是厲害其民而以自安養  
也此吾之所爲未聞道耳惡得爲賢孟子不直言人君不能並  
耕先卽其身之所難兼者問之曰君之食欲其自耕矣豈許子  
而反不耕其必種粟而後食乎相曰固然也孟子亦明知其然  
姑問之以爲下詰其衣冠釜餽鐵自爲張本故又於耕之外多  
其說以問之曰有食必有衣許子必織布而後衣乎相曰否許  
子衣褐欲以衣褐逃孟子之駁也又問曰有衣必有冠許子冠



必耕且爲哉。

當堯之時天下猶未平洪水橫

流氾濫於天下草木暢茂禽獸

繁殖五穀不登禽獸逼人獸蹄

鳥跡之道交於中國堯獨憂之

舉舜而敷治焉舜使益掌火益

烈山澤而焚之禽獸逃匿禹疏

九河濬濟潔而注諸海決汝漢

排淮泗而注之江然後中國可

得而食也當是時也禹八年於

外三過其門而不入雖欲耕得

乎

乎曰冠曰冠各異制許子奚冠曰冠以素布爲之曰此衣冠之  
布自織之與曰否以所耕之粟易之孟子乃詰之曰以粟易則  
不自織矣他人可不自織而許子不可不自織爲其不能兼業  
則無以責人也奚爲不自織曰許子所專務者耕自織則害於  
耕矣故不然又於耕之中多其說以問之曰人情食而爨則必  
以釜甑耕則必以鐵今許子亦以之乎曰然也釜甑鐵亦自爲  
之與相曰自爲則否以所種之粟易之

孟子乃承其說先推原其意而後詰之曰粟出於農夫釜甑鐵  
械器出於陶冶各爲一事而各適於用者也今充許子並耕之  
類則亦不宜易之矣易則厲陶冶矣己先厲人何怪陶冶之厲  
己而竟以易之者何哉夫亦信其粟以濟陶冶之所無不爲厲



天下猶未平者。洪荒之世。生民之害多矣。聖人迭興。漸次除治。至此尚未盡平也。洪大也。橫流。不由其道而散溢矣。行也。汜濫。橫流之貌。暢茂長盛也。繁殖衆多也。五穀稻黍稷麥菽也。登成熟也。道路也。獸蹄鳥跡交於中國。言禽獸多也。敷布也。益舜臣名。烈熾也。禽獸逃匿。然後禹得施治水之功。疏通也。分也。九河。曰徒駭。曰太史。曰馬頰。曰覆釜。曰胡蘇。曰簡。曰潔。曰鈎盤。曰鬲。

陶冶耳。則知彼陶冶亦以其械器易粟者。乃所以濟農夫之所無。豈爲厲農夫哉。凡相易固不相厲者。概如是矣。吾以爲獨非所論於許子。夫許子固欲並耕者也。必已無所不並而後可以責人之並。則必旣爲農夫。又爲陶冶。凡粟與械器皆取諸其宮中而用之。庶不至紛紛然與百工交易而免於煩矣。而今不然。必有所爲。我且問汝許子。何爲不自爲陶冶。止自取用於家。何爲紛紛然與百工交易。何許子之不憚煩勞若此也。詰至此。相直無可躲閃矣。乃曰。許子耕者也。百工之事。固不可旣已耕而且兼爲之也。相兩明其害已大。背並耕之說。孟子乃卽應聲闢之曰。然則治天下獨可耕且爲與。彼農夫不過服勤一業。尚不可耕而兼爲百工之事。况人君治天下。一日二日萬幾。視農夫相懸百倍。而獨可兼爲。真不通之論矣。何故不可兼爲。蓋爲天下人有不同。有爲大人。有爲小人。貴賤懸殊。人不同。則其所爲



津滸亦疏通之意。濟、滸，二水名。決排皆去其壅塞也。汝、漢、淮、泗亦皆水名也。據禹貢及今水路，惟漢水入江耳。汝、泗則入淮而淮自入海。此謂四水皆入於江，記者之誤也。

后稷教民稼穡樹藝五穀。五穀熟而民人育。人之有道也，飽食煖衣逸居而無教，則近於禽獸。聖人有憂之，使契爲司徒，教以人倫。父子有親，君臣有義，夫婦有別，長幼有序，朋友有信，放勳

之事亦不同。大人自有大人之事，小人自有小人之事，難易絕遠，何可兼爲？且卽以一人論，雖一人之身而百工之所爲，備要取用，如不以有無相易，必自爲而後用之，是率天下之人，旣營此，又營彼，奔走道路，無時休息，一事無成也。一介之人，且然況以大人治天下，待用愈繁，反可逐一自兼爲乎？故古語曰：天下之人不齊，或有爲大人而但勞其心者，或有爲小人而但勞其力者。勞心則爲布政教以治理天下人之事，非無濟於人也。若勞力則爲安草野以受治於君上之人而已，不能自治也。故治於人者，則竭力治公田以養食其上之人，固分當急公以報其勞心也。若治人者，則坐收其賦稅以食於下之人而已，不爲素餐也。君民相濟而不相厲，此固合於義之所當然。乃自古及今，合天下所通行之大義也。則治之與耕，非惟勢所難並，亦義所難並矣。而許行之說，不肯謬之甚乎。



曰勞之來之匡之直之輔之翼之使自得之又從而振德之聖人之憂民如此而暇耕乎

言水土平然後得以教稼穡衣食足然後得以施教化后稷官名棄爲之然言教民則亦非並耕矣樹亦種也藝殖也契亦舜臣名也司徒官名也人之有道言其皆有秉彝之性也然無教則亦放逸怠惰而失之故聖人設官而教以人倫亦因其固有者而道之耳書曰天敘有典勅

凡立說必衷諸古而考古必近而可徵若荒遠無稽如神農之說者君子不道也故當以唐虞爲斷吾考其時之聖君賢臣從未有一人與民並耕而食饗殮而治者當堯之時尚多生民之害天下猶未平如洪水是也洪水橫流汎濫於天下者九年水盛故草木暢茂草木盛禽獸愈繁衍生殖禽獸草木皆妨害五穀者故五穀不登則人類日稀而禽獸反偏近乎人獸之蹄鳥之跡其所行之道路交徧於中國天下之未平如此此時未見有人憂之者也而惟堯以爲大人之故獨其一人憂之然心雖憂力不能自爲治乃舉用舜爲相而敷布其治道焉舜亦不能一人獨治必使羣有司分其任治道莫急於治水治水莫善於禹使草木蔽塞源流禽獸蟠踞山澤則治水之功無可施其勢



我五典五惇哉此之謂也放勳、  
本史臣贊堯之辭、孟子因以爲  
堯號也、德猶惠也、堯言勞者勞  
之來者來之邪者正之枉者直  
之輔以立之翼以行之使自得  
其性矣、又從而提撕警覺以加  
惠焉、不使其放逸怠惰而或失  
之蓋命契之辭也、

堯以不得舜爲己憂舜以不得  
禹皋陶爲己憂美以百畝之不  
易爲己憂者農矣也

易治也堯舜之憂民非事事而

非先用火不可而徧視羣臣堪其任者惟益乃使之掌火政益  
於是將山澤之草木烈而焚之而禽獸失所依棲皆逃竄潛匿  
於遠方禹乃相視水勢以海爲歸而江河又受諸水之灌注於  
是疏分大河之流而爲九以殺其勢濶濬濟水潔水使無壅塞  
同九河而注諸海則北條之水有所歸矣又決去汝水漢水之  
淤淺排開淮水泗水之隘流而使注之江以入於海則南條之  
水有所歸矣用盡許多心力然後洪水方退土壤方平而中國  
之人可得耕種以爲食也當是時也禹勤事於外凡八年八年  
之中三過其家門而不及入見其骨肉之親治水如此其急則  
且無論大人不必耕雖欲身耕以爲食得乎顧耕之小勞而誤  
天下之大計勢必阻矣

中國可得而食以民之得稼穡也而無人教之亦未易易此時



憂之也。急先務而已。所以憂民者。其大如此。則不惟不暇耕。而亦不必耕矣。

分人以財。謂之惠。教人以善。謂之忠。爲天下得人者。謂之仁。是故以天下與人易。爲天下得人難。

分人以財。小惠而已。教人以善。雖有愛民之實。然其所及。亦有限而難久。惟若堯之得舜。舜之得禹。臯陶。乃所謂爲天下得人者。而其恩惠廣大。教化無窮矣。

則有棄爲后稷。以教之稼。而民始知耕耘之道。教之穡。而民始知收穫之宜。相與樹藝稻黍稷麥菽之五穀。由是五穀成熟。而無位之民。有位之人。皆得生育。而無阻饑之患。夫后稷亦弟教之而已。穀熟。民育。不聞其並耕也。此時君相似。可無憂矣。而猶未也。蓋以人各自有其秉彝之道也。固不可或失。向因昏墊之時。生且不保。何暇向道。故先以平成養育爲先。及至飽食煖衣。安逸以居。而無以教之。則溺於淫欲。蔑棄所有之道。近於禽獸。此非民人之罪。而君相之責。故堯舜聖人。又憂之。於是設爲司徒之官。選擇夫契。使之爲之。而教民以人倫之道。使天下之人。父慈子孝。而有恩以相親。君禮臣忠。而有義以相與。夫外婦內不相淆。而有別。長先幼後。不相越。而有序。朋友相交。去僞存誠。而事皆有信實之心。此五者。人所固有之道。而司徒教之。正欲全其所有也。命官掌教。堯可無憂。而猶恐契未盡所以教之之



此其所以爲仁也。

孔子曰大哉堯之爲君惟天爲大惟堯則之蕩蕩乎民無能名焉君哉舜也巍巍乎有天下而不與焉堯舜之治天下豈無所用其心哉亦不用於耕耳

則法也蕩蕩廣大之貌君哉言盡君道也巍巍高大之貌不與猶言不相關言其不以位爲樂也。

吾聞用夏變夷者未聞變於夷者也陳良楚產也悅周公仲尼

方當日放勳必諄諄告誡之曰使汝教之無非欲民得此親義序別信之道而民有秀頑勤惰之不同不能遽得即使得之亦勉強而非自然得之於己不可云得則欲使之自得其道何如是在因民而曲導之民有能用力於倫者不爲獎勵則力將懈是宜勞之民有願歸向於倫者不爲招引則願將阻是宜來之所以嘉其善也民有背乎倫而邪僻者不爲之矯其偏則無由歸於正是宜匡之民有背乎倫而私曲者不爲之懲其曲則無由返於直是宜直之所以救其失也民有疑信相參事勢多阻不能卓立於人倫者不爲之開其迷導其阻將終無由立則輔之便民有賦性柔懦力怯難勝不能前往於人倫者不爲之警其惰策其勤將終無由前則翼之便所以濟其不逮也曲盡其教之法如此則優游漸漬之下自必恍然有悟奮然自趨於親義序別信之道而不自知矣其自得之也並非驅迫以使之



之道北學於中國北方之學者實不啻其使之也。至既得則可幸矣。而未可恃。猶恐其放逸怠惰。廢於半途。衰於末路。則得而復失。是卽汝無加惠之德也。故士也。子之兄弟事之數十年師死而遂倍之。

此以下青陳相倍師而學許行也。夏諸夏禮義之教也。變夷變化蠻夷之人也。變於夷反見變。

化於蠻夷之人也。產生也。陳良生於楚在中國之南。故北遊而學於中國也。先過也。豪傑才德出衆之稱。言其能自拔於流俗也。倍與背同。言陳良用夏變夷事。若夫以百畝不易治爲已憂者。其憂甚小。則僅農夫小人之

堯舜憂民。急急於舉舜。使益禹稷契。如此是堯當日非事事而憂之。惟以不得舜爲已憂。舜得而堯之憂舜代之矣。憂何大也。舜當日亦非事事而憂之。惟以不得禹皋陶爲已憂。禹皋陶得而舜之憂禹皋陶分之矣。憂何大也。此所以爲大人。所以爲大人之事。若夫以百畝不易治爲已憂者。其憂甚小。則僅農夫小人之

暇躬耕以謀食乎。



陳相變於夷也。

昔者孔子沒三年之外門人治

任將歸入揖於子貢相嚮而哭

皆失聲然後歸子貢反築室於

場獨居三年然後歸他日子夏

子張子游以有若似聖人欲以

所事孔子事之彊曾子曾子曰

不可江漢以濯之秋陽以暴之

皜皜乎不可尚已

三年古者爲師心喪三年若喪

父而無服也任擔也場冢上之

壇場也有若似聖人蓋其言行

事而已豈大人而出此哉。惟憂其大而不憂其小故其憂之功

亦甚大而不同夫小蓋君相之爲君相其功期於仁及天下而

不可爲小惠小忠也若執途之人而分之以財非不足以明恩

而恩之所及幾何故但可謂之惠而不能仁天下執塗之人而

教之以善非不足以達誠而誠之所感幾何故但可謂之忠而

不能仁天下惟君爲天下得一相相爲天下得羣有司之人則

廣施養政而惠徧天下矣廣布教思而化徧天下矣方可謂之

仁也夫至仁及天下則憂不得人之功何如其大可不急急於

得人哉而得人正未易言也吾試以爲天下得人與以天下與

人較人必以爲彼難而此易不知以天下與人止在能捨與不

能捨耳若得人關係天下之安危苟非識之至明心之至公豈

易知人善任是故以天下與人一浮雲富貴者卽能爲之蓋甚

易耳而爲天下得人欲其選擇至當則甚難也難得而能得之



氣象有似之者如檀弓所記子游謂有若之言似夫子之類是也所事孔子所以事夫子之禮也江漢水多言濯之潔也秋陽燥烈言暴之乾也皜皜潔白貌尚加也言夫子道德明著光輝潔白非有若所能彷彿也或曰此三語者孟子贊美曾子之辭也

今也南蠻駘舌之人非先王之道子倍子之師而學之亦異於曾子矣

此堯舜之功之所以大而亦止憂其大爾此非吾一人之私言爲治必推堯舜論治必宗孔子彼神農之治聖人所不道也嘗曰大哉堯之爲君惟天爲大惟堯則之其德蕩蕩乎民無能名焉君哉舜也巍巍乎以匹夫有天下而若不與焉孔子稱堯舜如此夫堯舜固千古之能治天下者而孔子稱之曰無名又曰不與不知者將以堯舜若無所用心者矣而抑知則天巍巍其治之盛大固足以立千古之極豈無所用其心而至此哉心在大處用故遊於其大而不能名心不與於天下豈肯於瑣屑之端反有所與蓋任他用盡心計亦不至用於耕耳觀於堯舜而賢君之道勞心而不勞力概可知矣彼許行並耕之說不誠謬哉

然而許子不足責也生長蠻夷未聞大道若吾子則中夏之人



駘博勞也惡聲之鳥南蠻之聲似之指許行也

吾聞出於幽谷遷於喬木者未聞下喬木而入於幽谷者

小雅伐木之詩云伐木丁丁鳥鳴嚶嚶出自幽谷遷於喬木

魯頌曰戎狄是膺荆舒是懲周公方且膺之子是之學亦爲不善變矣

善變矣

魯頌閟宮之篇也膺擊也荆楚

本號也舒國名近楚者也懲艾

也按今此詩爲僖公之頌而孟

也乃稱述許子亦異乎吾所聞矣吾但聞有用中夏之道以變夷者從未聞有以中夏之人而反變於夷者也吾且無論其他卽以子師陳良論夫陳良楚所生產也托生非地宜其孤陋寡聞不能振拔於流俗矣乃彼則聞中國周公仲尼之道而慕悅之夫周孔之道卽堯舜相傳之道良能悅之則非周孔者必不悅悅之則必思學之而居於楚終無由學於是不辭跋涉之勞北學於中國周孔之徒意北方之學者必皆勝之乃竟能發憤好修雖北方之學者未有能或之居其先也生於楚而不聞於楚彼乃所謂拔出流俗之上而爲豪傑之士也卽陳良非用夏變夷者乎子之兄弟能師事之而且數十年之久可謂得所依歸者宜乎終身師之矣乃及師死而遂棄其所學以倍之焉夫師而可倍哉曷不觀孔子弟子之尊師者乎昔者孔子設教洙泗其門人約有三千七十而子貢子夏子張子游有若曾子之



子以周公言之亦斷章取義也。輩則尤其卓卓者當年追隨信從患難不離其不倍固不待言。從許子之道則重賈不貳國中無偽雖使五尺之童適市莫之或欺布帛長短同則賈相若麻縷絲絮輕重同則賈相若穀多寡同則賈相若屨大小同則賈相若

陳相又言許子之道如此蓋神農始爲市井故許行又託於神農而有是說也五尺之童言幼小無知也許行欲使市中所粥之物皆不論精粗美惡但以長

矣吾弟就其沒後言之門人在魯皆服心喪三年三年之外各治其行擔將散而歸時以子貢主喪事入揖辭之自此一別不得常登夫子之墓講誦夫子之側矣於是彼此相嚮而哭皆至於失其聲音哀傷眷戀萬不得已然後歸門人追慕其師有如此此時子貢亦可去矣而猶未忍也送別後反而特築室於壇場之上獨居三年以倍篤其依戀之情然後歸子貢之追慕其師又如此至他日子夏子張子游思聖人而不得見以有若言行氣象有似聖人欲以當年所事孔子之禮事之以寄其思慕之念因而彊曾子同事之此亦不忘其師之所在而曾子則曰不可師事有若何也蓋師原論道德之直不論氣象之似試思吾夫子之道德爲何如者其純粹以精如江漢以濯之之物通體潔白無一點之汚其深厚堅實如秋陽以暴之物內外一



短輕重多寡大小爲價也。

曰夫物之不齊物之情也或相倍蓰或相什伯或相千萬此而同一是亂天下也巨屨小屨

同賈人豈爲之哉從許子之道

相率而爲僞者也惡能治國家

倍一倍也蓰五倍也什伯千萬

皆倍數也比次也孟子言物之

不齊乃其自然之理其有精粗

猶其有大小也若大屨小屨同

價則人豈肯爲其大者哉今不

論精粗使之同價是使天下之

致無一毫之疎。皜皜乎皎潔光明。極千古道高德厚之聖人。且不可尚乎夫子已。況有若豈能彷彿乎。若以所事事之非以尊君夫子。反以卑君夫子矣。故不可也。曾子直尊信其師之至而終身不倍者乎。

彼有若雖不及聖人而猶有似乎聖人。曾子尚不肯以事其師者輕事之。則凡大反乎其師者更不宜事矣。今也許子乃南蠻馭舌之人。其所學並非先王之道。與子師大相反也。子倍子之師而反去學之。亦異於曾子之信師矣。夫君子之擇師而事。猶鳥之擇木而巢。鳥之爲巢。吾聞有出乎幽谷之中而遷於喬木之高者矣。未聞有反下喬木而遷入幽谷者。今許子既非先王之道。則其得罪先王何如。魯頌曰。戎狄是膺。荆舒是懲。其正夷夏之防如此。今許行正戎狄荆舒之人也。魯之先周公若在方



人皆不肯爲其精者而競爲濫惡之物以相欺耳。

○墨者夷之因徐辟而求見孟

子孟子曰吾固願見今吾尚病

病愈我且往見夷子不來

墨者治墨翟之道者夷姓之名

徐辟孟子弟子孟子稱疾疑亦

託辭以觀其意之誠否

他日又求見孟子孟子曰吾

則可以見矣不直則道不見我

且直之吾聞夷子墨者墨之治

喪也以薄爲其道也夷子思以

且膺擊之使子亦法周公排斥異端干城吾道則識學益高居然出谷遷喬矣乃子反以是許行之學爲學眞得罪名教天地難容亦爲不善變矣豈不深可愧哉

倍師不可則並耕之說更不待言陳相至此窮於辯矣乃又爲遁辭以稱道之曰據子之言並耕若不可從而豈知許子之道非無可從者許子爲治之道以淳樸爲尚若從其道以治市則法皆畫一可使市價不二交易各得其所而國中之人於以一無詐僞雖使五尺之童適市亦無有增減其賈以欺之者如布與帛也但論丈尺長與長同短與短同則賈卽相若麻與麻之縷絲與絲之絮但論斤兩輕與輕同重與重同則賈卽相若五穀但論斗斛多與多同寡與寡同則賈卽相若屨也但論形象大與大同小與小同則賈卽相若市賈不二如此則欺僞之情



易天下豈以爲非是而不貴也  
然而夷子葬其親厚則是以所  
賤事親也

又求見則其意已誠矣故因徐  
辟以質之如此直盡言以相正  
也莊子曰墨子生不歌死無服  
桐棺三寸而無槨是墨之治喪  
以薄爲道也易天下謂移易天  
下之風俗也夷子學於墨氏而  
不從其教其心必有所不安者  
故孟子因以詰之

徐子以告夷子夷子曰儒者之

無所施淳樸之風可漸返由市道之善而推之治國家何難之  
有此蓋仍託神農日中爲市之說以惑人也孟子曰許子治市  
之道子以爲可從亦未知物之情矣凡物生於天者美惡異質  
成於人者精粗異致其不能齊一乃物之情實也極其美惡精  
粗不齊之數或相去一倍者五倍爲蕝者或相去什倍者伯倍  
者或相去千倍者萬倍者則其賈之貴賤亦隨其相去而異則  
精美者可售而粗惡者亦可售故人得以各業其業以便天下  
之交易若如子之說欲比而盡同之則物失其平而爭端以起  
是擾亂天下之道也吾且以屨一端論屨有精粗美惡之不同  
猶其有巨小也設使巨屨小屨同賈人豈肯爲其巨者則精者  
粗者同賈人豈肯爲其精者哉由屨而推之布帛麻縷絲絮五  
穀皆然矣故從許子之道是相率天下之人而競爲濫惡之物  
以相欺僞者也欲息爭而反以導爭欲除僞而反以滋僞治市



道古之人若保赤子此言何謂也之則以爲愛無差等施由親始徐子以告孟子孟子曰夫夷子信以爲人之親其兄之子爲若親其鄰之赤子乎彼有取爾也赤子匍匐將入井非赤子之罪也且天之生物也使之一本而夷子二本故也

若保赤子周書康誥篇文此儒者之言也夷子引之蓋欲援儒而入於墨以拒孟子之非已又曰愛無差等施由親始則推墨

且不能惡能以之治及國家哉如許行真有無一而可者尚可執並耕而治之說爲是耶噫陳相始而欲齊人之貴賤而屈於辨繼而欲齊物之貴賤而又屈於辨安可不悟其變學倍師之非而道許子爲神農之言以蔽孟子哉

此章闢異端以衛正道通重一本二字人以本生愛以本立本一則愛自不得不差等夷子厚葬親正良心之動於一本而不自知者孟子從此挑動他說得天理人情沉痛悲切宜夷子聞言卽悟也前以所賤事親提醒其良心後以二本不可激動其良心末以葬禮之始感發其良心無非見用愛之必有差等○戰國時不特治術不明而學術亦晦故楊墨橫行而墨害爲尤甚自墨翟倡之人遂忘其一本之愛相與歸之其時有夷子名之者亦墨者也旣會墨必與孟子爲水火誰肯來見乃不意一日因徐辟以求見便有不安其教之意孟子正欲見之以引之



而附於儒以釋己所以厚葬其親之意皆所謂遁辭也。孟子言人之愛其兄子與鄰之子本有差等。書之取譬本爲小民無知而犯法如赤子無知而入井耳。且人物之生必各本於父母而無二。乃自然之理。若天使之然也。故其愛由此立而推以及人。自有差等。今如夷子之言則是視其父母本無異於路人。但其施之之序姑自此始耳。非二本而何哉。然其於先後之間猶知

於正又恐其求見之意未誠。故托病以辭之曰。吾固願見夷子。奈今吾尚病。病愈吾且將往見之。夷子不必再來。爲詞婉曲。不務矜高絕物。蓋欲堅其求教之心。以爲受教之地耳。至他日又求見孟子則誠矣。孟子遂自明其意。先使徐辟傳言以試其能。虛受與否。而後方可見之。故曰求見至再。吾今則可以見矣。但其來意爲慕吾道而來。而吾道與墨道不同。若不直言以相正。則吾道不明。我且未見而先直之。吾聞夷子乃學於墨者。墨道不止治喪。吾卽以治喪言之。儒者治喪之道從其厚。而墨則以薄爲其道也。夷子既從其教。將欲以薄道移易天下。豈有自己而行。反以薄道爲非。是而不貴重之也。旣以薄爲貴。則必以厚爲賤矣。然而夷子葬其親都從厚。則是以墨氏所賤之道事親也。學其術而不遵其教。其何以自解。無乃薄道本非貴而厚道本非賤。與汝其爲吾問之。徐子以告夷子。夷子旣不敢以薄道



所擇則又其本心之明有終不  
得而息者此其所以卒能受命  
而自覺其非也。

蓋上世嘗有不葬其親者其親  
死則舉而委之於壑他日過之  
狐狸食之蠅蚋姑嘅之其類有  
泚睨而不視夫泚也非爲人泚  
中心達於面目蓋歸反藟種而  
掩之掩之誠是也則孝子仁人  
之掩其親亦必有道矣

因夷子厚葬其親而言此以深  
明一本之意上世謂太古也委

爲非又欲爲厚道周全乃爲援儒入墨復推墨附儒之說曰夫  
子以吾兼愛爲非夫亦謂與儒道相反耳而其實未嘗不同吾  
卽以儒道言之儒者之道莫備於詩書如康誥有言古之人保  
民若保赤子此言何謂也無乃儒者亦兼愛者乎但若保赤子  
必先有以保赤子故之之意則以爲愛固無差等矣特其施愛  
之序必出親始自宜稍從其厚此吾所以厚葬親也原不肯於  
儒豈是以所賤事親耶徐子以告孟子孟子曰夷子之解書殆  
誤矣夫夷子信以書言若保赤子之意爲人之親愛其兄之子  
一若親愛其鄰之子而無分別乎彼書實非然另自有取義故  
云爾也以爲小民之犯法出於無知非故犯之罪猶赤子之匍  
匐將入井出於無知非赤子之罪也故保民當如保赤一般其  
犯法則諒其無知哀矜勿喜焉耳非謂愛其兄之子真若愛其  
鄰之赤子而一無差等也援此謂儒者之道亦兼愛不謬甚乎



棄也。壑，山水所趨也。蚋，蚊屬。始語助聲。或曰：螻蛄也。嘬，攢共食之也。頽，額也。泚，泚然汗出之貌。睨，邪視也。視，正視也。不能不視，而又不忍正視，哀痛迫切，不能爲心之甚也。非爲人言，非爲他人見之而然也。所謂一本者，於此見之。尤爲親切。蓋惟至親故如此。在他人則雖有不忍之心，而其哀痛迫切，不至若此之甚矣。反覆也。藁土，籠也。槨土，壘也。於是歸而掩覆其親之尸，此

吾以夷子兼愛爲非者何故？蓋以凡物皆生於天，而父母者人生之根本。天之生物也，原使之只有一個根本生出來，並無第二個根本。故愛親之心，本於天性，非他人可比。今夷子以愛爲無差等，則是視其親如路人，視路人如其親，直是二本矣。人而可有二本乎？吾以兼愛爲非爲此故也。不特揆人情而知解書之訣，更斷之以天理，而愈可恍然於墨道之不可從矣。今夷子厚葬其親，正念其一本所在，只看葬埋之禮所自起，可知蓋上古之世，禮制未備，嘗有不葬其親者。其親死，則子卽舉而委之於壑。他日經過其處，但見大而狐狸食其肉，小而蠅蚋蛄嘬其膚。其子之頽遂沾然有泚，但睨視而不忍正視，夫泚也，非爲人見之而故爲是掩飾於外，蓋其哀痛之至切於中心而達於面，目遂不自禁耳。使非一本之親，何以如是？於是悔其委棄之非，而爲保全之計，蓋歸取其藁槨之器以盛土，因反覆其土於



葬埋之禮所由起也。此掩其親親尸之上而掩藏之。此其掩之誠是也。蓋必如是而後揆之天者若所當然。則孝子仁人所以掩其親者必有其道而不以薄爲貴矣。

徐子以告夷子。夷子憮然爲閒曰命之矣。

憮然。然自失之貌。爲閒者有頃之閒也。命猶教也。言孟子已教我矣。蓋因其本心之明以攻其所學之蔽。是以吾之言易入而彼之惑易解也。

親尸之上而掩藏之。此其掩之誠是也。蓋必如是而後揆之天理而當質之人心而安不失爲孝子仁人而葬埋之禮遂從此起。則凡後此孝子仁人起葬埋之禮以掩其親者亦必有當然不容已之道而不以薄爲貴矣。故夷子厚葬其親。正天性之良。一本之真情所自見。何爲不悟而必執愛無差等之說爲是不太惑哉。徐子又以告夷子。夷子聞之。卽自覺墨道之爲非。悟儒道之正。憮然不安爲之自失。少閒曰之雖未親見孟子而一本仁孝之論其提命夫之也深矣。蓋其本心復萌。故歸正如此。非孟子之直道烏能及此哉。闢異端以衍正道其功非淺鮮也。



以全夏天下

獻其辭者必不其進而不以爲

卷之六

卷之五

不辭而必得愛無差等之指爲是

而不可以泄其情矣夫夷之草莽其縣五夫耕之

愚則人好也者乎人欲其里之斷以斷其縣者亦必其富然

臣聞古之人不而受木於爲澤于日人而義則之雖盜竊也

歸之北而視燕之北其斜之踰星而蓋也較星而斜斜之天



四書一貫講

陸稼書  
陸萬卷  
兩先生鑒

三亭卷之三下

當湖顧天健惕承著

滕文公章句下 凡十章

陳代曰不見諸侯宜若小然今

一見之大則以王。小則以霸。且

志曰枉尺而直尋。宜若可為也。

陳代孟子弟子也。小謂小節也。

枉屈也。直伸也。八尺曰尋。枉尺

直尋猶屈已一見諸侯而可以

致王霸所屈者小。所伸者大也。

孟子曰昔齊景公田招虞人以

此章見守道之義。總重不可枉道求見。意陳代溺於近世功利之習。欲孟子枉已以有為。故孟子詳言道不可枉。而枉已不可。以有為。虞人節說不見諸侯。正士之志節所係。豈可視為小破。他宜若可為一句。枉尋節言計利之心。將無所不至。破其枉尺直尋之非。王良節至枉道而從彼何也。言枉尺直尋。君子所羞。為末言枉者必無一直。益以見枉尺直尋之不可為。要之段落離分而意實一串。始引虞人事。見士當守義則不可圖利之意。即寓其中。次節不過申明之耳。又引王良羞比事以証明不可圖利。意則但當守義亦即寓其中。至末且子以下則又深一層亦以發明其故。不可過分支節致不融貫。亦可為與句。非商景



旌不至將殺之志士不忘在溝  
 壑勇士不忘喪其元孔子奚取  
 焉敢非其招不往也如不待其  
 招而往何哉

田獵也虞人守苑囿之吏也招  
 大夫以旌招虞人以皮冠元首  
 也志士固窮常念死無棺槨棄  
 溝壑而不恨勇士輕生常念戰  
 鬪而死喪其首而不顧也此二  
 句乃孔子歎美虞人之言夫虞  
 人招之不以其物尚守死而不  
 往况君子豈可不待其招而自

語乃決言其不可為雖以利之多寡為言實在義之屈伸上較  
 論王良節是案宜輕敘以歸重下斷語前以何哉詰問後以何  
 也重醒一虛一實緊相呼應○士人為行道計不得不自重其  
 身惟自重而後人重之方是正己以正天下之本領何可先自  
 為枉乃時至戰國屈己逢世相習成風恬不為怪惟孟子抱道  
 自重故陳代反疑其為拘迂而問曰士君子席珍待聘不肯往  
 見諸侯此雖固守常法而以代觀之宜若小節然夫士貴乎有  
 為足為天下重輕况處今之世亂極當救與其守經而無濟於  
 世孰若從權以建事功之為得使今日但一往而見之則得行  
 其道太而為伊為周以其君王小而為管為晏以其君霸矣且  
 志曰所枉僅尺之小而所直則尋之大即志言觀之而知君子  
 所為者大則不必復顧其小以枉見之小屈而成霸王之大伸  
 宜若可為而不必過執也孟子曰吾非不欲得君行道但揆之



往見之耶。此以上告之以不可往見之意。

且夫枉尺而直尋者以利言也。如以利則枉尋直尺而利亦可爲與。

此以下正其所稱枉尺直尋之非。夫所謂枉小而所伸者大則爲之者計其利耳。一有計利之心則雖枉多伸少而有利亦將爲之耶。甚言其不可也。

昔者趙簡子使王良與嬖奚乘終日而不獲一禽。嬖奚反命曰。

於義不當枉耳。子獨不聞虞人之事乎。昔齊景公將田獵。虞人當有職事。使人持旌以招之。虞人不至。公將殺之。孔子聞而美之。曰。有志之士能固窮者也。常念在溝壑而不恨。有勇之士能輕生者也。常念喪其元而不顧。今虞人之不往。可謂志勇兼全之士矣。孔子取之如此。夫孔子奚取於虞人哉。取夫以非其所招之皮冠而卽守死不往也。彼虞人且然。况君子守道。非虞人守官。比如不特非其招。并不待其招而先自往見。果何爲哉。是義出虞人下矣。然則君子之不見諸侯。正有志有守大關係所在。顧以爲小而不必爲。遂甘爲如枉尺直尋之說耶。且夫所謂枉尺而直尋者。是以圖利言也。夫君子出處之際。惟知有義。不知有利自重之至。故可爲也。如不以義爲守而以利爲圖。不恤枉屈其身以求直。以爲所屈者小而所伸者大。殊不知自輕其身。則大壞名節。而枉將益甚。小就功名而直亦無多。雖枉而且



天下之賤工也。或以告王良。良曰：請復之彊，而後可。一朝而獲十禽。嬖奚反命曰：天下之良工也。簡子曰：我使掌與女乘。謂王良良不可，曰：吾爲之範，我馳驅。終日不獲一爲之詭。遇一朝而獲十詩，云不失其馳，舍矢如破。我不貫與小人乘，請辭。

趙簡子，晉大夫趙鞅也。王良，善御者也。嬖奚，簡子倖臣，與之乘爲之御也。復之，再乘也。彊而後可，嬖奚不肯彊之而後肯也。一

尋直而止尺。言利者必然之勢也。而猶以爲有利，亦可不顧義而爲之。與吾知苟有人心者，必有所不屑也。以利者，且不爲況本不以利者乎？如其不悟，請觀王良之事。昔者趙簡子使王良與其嬖人名奚者乘以田焉。終日而不獲一禽。嬖奚反命於簡子曰：此天下不善御之賤工也。有或人，不平，以告王良。良不甘沒其技，告奚曰：請復爲乘。奚輕之，不可。良彊之，而後可。一朝之間而獲十禽。嬖奚又反命曰：此天下善御之良工也。噫！一嬖奚也，始與之乘，繼彊之復，忽爲其賤，忽爲其良。良似甘爲枉者矣。乃至簡子曰：汝旣說其良，自今以後，我使掌與汝乘。簡子因謂王良良不可，而自明其意曰：凡御者有法度，射者有巧力。始吾於奚也，爲之範，吾法度以馳驅，彼無巧力，不能左右迎射。竟終日不獲一繼，而吾姑廢法，爲之詭道，以與禽遇，彼方會迎射，遂一朝而獲十。如此大異於詩所云矣。詩車攻之篇曰：御者不



朝自晨至食時也。掌專主也。範法度也。詭遇，不正而與禽遇也。言奚不善射，以法馳驅則不獲。廢法詭遇而後中也。詩小雅車攻之篇，言御者不失其馳驅之法而射者發矢皆中而力。今譬奚不能也。貫習也。

御者且羞與射者比比而得禽獸。雖若邱陵弗爲也。如枉道而從彼何也。且子過矣。枉已者未有能直人者也。

比，阿黨也。若邱陵，言多也。○或

矢其馳驅之法而射者舍矢卽中。如以刀破物然。此射者御者一法相成。方爲君子之事。如奚之必待廢法而後倖中。乃小人之事耳。我平日但知有法以與君子乘。不屑爲詭。慣與彼小人乘。故得以成善御之名。而今不然是坐喪其名。我義不爲也。請辭掌乘之命。夫良之不可而請辭是羞與射者比比也。比誠可羞而特非所論於御者。良也。托身微技。不過一御者。大非士君子比。卽與射者屈意爲比。何足重輕於世。而猶且羞之。推其羞之意。以爲比而得禽獸。無論一朝獲十。雖使所獲若邱陵之多。若枉尺而直尋矣。而御者猶弗屑爲之也。如以士君子之身。高於御者萬萬。而反枉屈其自守之道。以從彼諸侯而見之。果何爲也。吾意王霸可成。不過邱陵之禽獸耳。而羞弗可免。是向者王良所誚也。故無論枉尋直尺。不可爲。卽枉尺直尋。亦不可爲也。明矣。且子枉尺直尋之言過矣。君子一身乃天下所表率。將以



曰居今之世出處去就不必一  
一中節欲其一一中節則道不  
得行矣楊氏曰何其不自重也  
枉己其能直人乎古之人寧道  
之不行而不輕其去就是以孔  
孟雖在春秋戰國之時而進必  
以正以至終不得行而死也使  
不卹其去就而可以行道孔孟  
當先爲之矣孔孟豈不欲道之  
行哉

○景春曰公孫衍張儀豈不誠  
大丈夫哉一怒而諸侯懼安居

直人者也然必能正己方能正人若枉己以從人者則己先自  
卑彼亦從而卑之言必不聽計必不從決未有能直人而伸其  
王霸之用者也是則枉尋并無直尺之理徒枉其身不亦墮志  
節羞當時而譏後世乎不見諸侯豈小節哉代聞孟子之言亦  
可知守身之義而不爲時人功利所溺矣  
此章見大丈夫之所爲不在權勢而在道德先斥儀衍後明大  
丈夫之實景春言外隱然有譏孟子意孟子言外隱然有自指  
意然俱不可徑露末節只重首三句以下兩層一串貫通○天  
下人品有大小而從性分出者自大從勢分見者卽小故大文  
夫之稱乃聖賢豪傑之所爲非說士之所能當也奈何時人不  
知道德而但知權勢以儀衍輩而亦欲丈夫之耶景春意曰今  
之士衆矣推其意莫不自命爲大丈夫然或悠悠忽忽不爲當  
世重或蹢躅涼涼適爲當世輕冒爲大丈夫而無其實也有如



而天下熄

景春人姓名公孫衍張儀皆魏人怒則說諸侯使相攻伐故諸侯懼也

孟子曰是焉得爲大丈夫乎子未學禮乎丈夫之冠也父命之女子之嫁也母命之往送之門戒之曰往之女家必敬必戒無違夫子以順爲正者妾婦之道也

加冠於首曰冠女家夫家也婦人內夫家以嫁爲歸也夫子夫

當今公孫衍張儀二人者豈不誠然大丈夫哉何以見之諸侯之勢至尊天下之人至衆區區一介之喜怒哀動靜何關重輕於彼而儀衍者則但見其平生有一怒也而庭說人國以搆動強大之兵則凡弱小之諸侯莫不恐懼其安居也而不事干戈以休息人民之衆則合天下之兵革莫不熄滅一人之喜怒哀動靜卽以關天下之憂樂安危非誠大丈夫而何孟子曰子以儀衍爲大丈夫乎夫世非無大丈夫特非所論於儀衍卽儀衍而大其所爲亦未必不可爲大丈夫特非所論於是一怒安居之爲夫是一怒安居之爲也焉得爲大丈夫乎子殆未嘗學禮乎禮云丈夫之冠也父則命之以成人之道女子之嫁也母則命之以婦順之義其嫁時母必往而送之於門戒之曰女今往之女家必敬恭必戒慎無違逆爾夫子之命禮言如此可見以順從爲正者乃妾婦之道所當然也今儀衍所爲正妾婦之道其一



也。女子從人以順爲正道也。蓋言二子阿諛苟容竊取權勢。乃妾婦順從之道耳。非丈夫之事也。

居天下之廣居。立天下之正位。行天下之大道。得志與民由之。不得志獨行其道。富貴不能淫。貧賤不能移。威武不能屈。此之謂大丈夫。

廣居仁也。正位禮也。大道義也。

與民由之。推其所得於人也。獨行其道。守其所得於己也。淫蕩

怒非敢自怒也。窺見諸侯怒敵。則順其欲而說以攻伐。其安居非敢自安也。窺見諸侯厭兵。則順其欲而說以寢戰。一味阿諛苟容。以竊取權勢。全無丈夫之氣。況大丈夫乎。且夫順其欲而導以攻伐。則爭地爭城。陷民塗炭。而禍及家國。是不仁也。致身污賤。以昏夜乞哀。盜弄權柄。以驕人。白日。是無禮也。合縱連衡。以取非其有。行私罔上。以濟其傾邪。是不義也。其得志而富貴。則卽肆其淫欲。其不得志而貧賤。則頓易其節操。其或迫之以威武。使惴惴恐懼。而偷生免死。以屈於人。此所以不得爲大丈夫耳。然則所謂大丈夫者。可知矣。今有人焉。存心以仁。廓然大公。與天地萬物爲一體。合天下其有之。廣居彼獨能居之。持身以禮。大中至正。與規矩準繩相周全。合天下其有之。正位彼獨能立之。處事以義。因時制宜。使經權常變之。皆得合天下其由行其道。守其所得於己也。淫蕩之大道。彼獨能行之。夫是廣居正位大道存之於心。則爲志體。



其心也移變其節也屈挫其志也○何叔京曰戰國之時聖賢道否天下不復見其德業之盛但見姦巧之徒得志橫行氣焰可畏遂以爲大丈夫不知由君子觀之是乃妾婦之道耳何足道哉

○周霄問曰古之君子仕乎孟子曰仕傳曰孔子三月無君則

之於身則爲道可以修己卽可以治人者也故天下用之則得行其志而見之設施共由此仁義禮於人天下不用則不得行其志而卷之退藏獨樂此仁義禮於己遇有窮達而一以道爲主故無入而不目得耳時而富貴則天下不與不能誘而淫蕩其心時而貧賤則屢空不厭不能困而移變其節時而處富貴貧賤之交人或加以威武則自返無愧懼之不能從容赴義撓之不得何屈焉其光明正大浩氣足以充塞天地如此此之謂大丈夫○豪傑直聖賢以視儀衍之所爲其高卑奚啻霄壤而子輕以其名予之其不知相天下士也○實甚觀孟子此言而知大丈夫之所爲直不在權勢而在道德也○儀衍恃權勢故俯仰從人孟子恃道德故主持在吾戰國時之大丈夫非孟子誰克當哉

此章總見君子之不枉道而仕前五節詳君子急仕之情末節



皇皇如也出疆必載質公明儀

曰古之人三月無君則弔

周霄魏人無君謂不得仕而事

君也皇皇如有求而弗得之意

出疆謂失位而去國也質所執

以見人者如士則執雉也出疆

載之者將以見所適國之君而

事之也

三月無君則弔不以急乎

周霄問也以已通太也後章放

此

曰士之失位也猶諸侯之失國

明君子難仕之故蓋急仕者行道之心難仕者守道之義而守道正所以爲行道計重在末節以道字爲主霄之初問已含君子難仕意特討孟子語出而辨難之非直不知古君子之仕失位節雖止說弔字然卻答三月太急之言以諸侯陪起士以士爲主晉國節如此二字通頂上文不是單頂出疆必載質句難仕暗指不見諸侯此是霄發問本旨欲仕內兼兩意而爲祭之意輕行道之意重前以祭言者單解三月無君則弔之意以欲仕引起由道正明難仕之故君子抱道在躬將欲以兼善天下則仕固其所急然必重其道於己而後能行其道於天下故雖急仕而又不欲輕於仕其急於仕者固爲道其不輕於仕者亦爲道也豈徒爲展其孝思而已哉孟子得孔子傳其於仕之理仕之責自必知之明而任之重時人亦有何疑而周霄則見其難仕因疑其無意於仕故問曰君子之仕必衷之古古之君



家也。禮曰：諸侯耕助以供粢盛。夫人蠶繅以爲衣服犧牲。不成粢盛不潔衣服不備不敢以祭。惟士無田則亦不祭牲殺器皿衣服不備不敢以祭則不敢以宴亦不足弔乎。

禮曰：諸侯爲籍百畝。冕而青紘躬秉耒以耕而庶人助以終畝收而藏之御廩以供宗廟之粢。盛使世婦蠶于公桑蠶室奉繭以示于君遂獻于夫人。夫人副褱受之纁三盆手遂布于三宮。

子仕乎。孟子曰：君子志在行道豈得不仕。何以見古之君子仕。觀孔子之事與公明儀之言可見。傳有曰：孔子當日若三個月失位無君則皇皇如有求而弗得不敢寧居其出疆而之他國必然載質以往爲見君之禮。總是欲得君而仕也。又公明儀有言曰：古之人但三月無君則人亦爲之憂戚而致弔。卽此而觀古之君子豈非急於仕者乎。胥曰：三月無君道未終窮遂至於弔其情不太急乎。孟子曰：子以爲太急亦知其有不得不急者在乎。則以仕之所係固甚重也。蓋士必得位而後可以行道亦必得位而後可以盡孝。故失位其所最傷者士之有位而失位猶夫諸侯之有國家而失國家也。蓋古人最重祭祀而祭祀必由於有田祿。禮曰：諸侯躬耕籍田以勸率其民民助成之收其所入藏之御廩以供給其黍稷粢盛。夫人亦親養蠶繅絲頒之世婦使爲黼黻文章以供祭祀之衣服。禮言如此若諸侯失國



世婦使纁以爲黼黻文章而服以祀先王先公又曰士有田則祭無田則薦黍稷曰粢在器曰盛牲殺牲必特殺也皿所以覆器者

### 出疆必載質何也

周霄問也

曰士之仕也猶農夫之耕也農夫豈爲出疆舍其耒耜哉

則無籍田公桑以行耕助親蠶之禮而犧牲不成肥腍粢盛無以致潔衣服無以致備則卽不敢以奉社稷宗廟之祭雖有尊祖敬宗之心何以自盡乎知諸侯則知士矣士雖卑於諸侯而孝親之心則一禮又有曰惟士無田則亦不祭禮言又如此蓋以士必有位始得以公田之所入爲祭祀之資若失位而無田祿則牲殺也盛物之器覆物之皿也及祭之衣服皆缺然不備猶夫諸侯不敢以祭則無以遂其孝親之心戚戚然不敢以自安夫一年有四時之祭若失位三月便廢一祭不得於君不足弔以無君之故致不得孝享其親亦不足弔乎此古之人所以不得不急耳子何疑焉霄曰三月無君而不得祭固可弔矣若出疆則初失位耳便必載質何也又未免於急矣孟子曰仕以行道者士之事猶夫耕以謀食者農夫之事皆本務也農夫必耕耕必耒耜豈爲出疆舍其耒耜哉士之出疆豈得不載質也



曰晉國亦仕國也。未嘗聞仕如  
此其急仕如此其急也。君子之  
難仕何也。曰丈夫生而願爲之  
有室。女子生而願爲之有家。父  
母之心人皆有之。不待父母之  
命。媒妁之言。鑽穴隙相窺。踰牆  
相從。則父母國人皆賤之。古之  
人未嘗不欲仕也。又惡不由其  
道。不由其道而往者。與鑽穴隙  
之類也。

晉國解見首篇。仕國謂君子游  
宦之國。霄意以孟子不見諸侯。

霄得願仕之說。遂諷曰。據夫子之言。而知君子之急於仕。有出  
於人情之外者。人情孰不願仕而不必太急。卽以晉國論。凡四  
方憑軾而至。與晉人之釋褐而登。以建功名於晉國者。不計其  
數。是亦一仕國也。然而未聞有三月無君則弔。出疆必載質。如  
此其急者也。仕既如此其急也。宜進仕之易矣。今之君子。乃不  
肯出而一見諸侯。徘徊鄭重。有甚難於仕者。何也得無矯節鳴  
高。大違其初心乎。孟子曰。君子非故爲難仕。以矯異於人也。揆  
之仕之道。有不得不然者耳。不識其道。觀之男女之有家室而  
可見爲人父母者。當丈夫之生。而卽願爲其子娶女。以成家。當  
女子生。而卽願爲其女配男。以成家。此固父母之心。凡爲父母  
之人。皆有之。然父母雖有是心。而爲子女者。自必待父母命之  
通。以媒妁之言。然後可以合二姓之好。若以其爲父母之心也。  
遂不待其命。以結婚嬖。并不待夫男媒女妁。通好之言。而急於



爲難仕故先問古之君子仕否。然後言此以風切之也。男以女爲室。女以男爲家。妁亦媒也。言爲父母者非不願其男女之有室家。而亦惡其不由道。蓋君子雖不潔身以亂倫。而亦不徇利而忘義也。

○彭更問曰。後車數十乘從者。數百人。以傳食於諸侯。不以泰。

求合情不自禁。遂至鑽穴隙私相窺探。因而踰牆私相從欲。如此則內而父母外而國人皆賤惡之矣。爲其苟合而不由正道也。知有室家之道。可以知古君子之仕矣。古之人知君臣之義。不可廢。匡濟之責不容辭。故未嘗不欲仕也。而仕必由其道。幣聘以求之。疊沐以登之。委心以任之。是由其道者。若枉己徇人。去就無義。進退無禮。是不由其道者也。君子又深惡之。斷不肯苟焉以仕。蓋不由其道而自往見諸侯者。與鑽穴隙相窺。踰牆相從之男女一類也。其能免於國人之賤惡哉。君子可貴而不可賤。此所以不得不難仕耳。然則君子之守道正。所以爲行道計重其道。以使天下知重吾道。而後道得以行。豈與無君則弔出疆載質之心背也。故君子之仕遠以濟天下。近以展孝思。濟天下者。道展孝思者。亦道而仕之道。乃大著於天下後世矣。此章言士之有功當食。不可爲泰。不必論到志上去。通重於此。



乎孟子曰非其道則一簞食不可受於人如其道則舜受堯之天下不以爲泰子以爲泰乎彭更孟子弟子也泰侈也

曰否士無事而食不可也言不以舜爲泰但謂今之士無功而食人之食則不可也

有人數句後兩節不過因其強辨而正之總以足有功之當食不重非其道兩段側重如其道一邊道字只當理之當受不當受看不是便說下節仁義之道且勿入有功無功意入則孝四句一氣貫下道卽仁義仁義不止孝弟而孝弟爲仁義之本子何以其志爲其字指定君子不泛○甚矣士之有功於天下也達而在上則以仁育義正之道見諸治使一時被其恩澤而世道以隆此其爲功也顯窮而在下則以居仁由義之學端其型使萬世知有學術而倫行以修此其爲功也隱功顯者人易知功隱者人莫識故以孟子之弟子如彭更者而猶有疑焉問曰吾聞士人之與公侯自有定分不相等矣出則車徒呵護所在供億者公侯之所爲單車獨行裹糧自給者士庶人之所爲如此方爲各安其分而無侈泰若夫以一介之士而其一出也隨行後車則數十乘隨行從者有數百人轉相傳遞而食於衆諸



曰子不通易事以羨補不足則農有餘粟女有餘布子如通之則梓匠輪輿皆得食於子於此有人焉入則孝出則弟先王之道以待後之學者而不得食於子子何尊梓匠輪輿而輕爲仁義者哉

通功易事謂通人之功而交易其事羨餘也有餘言無所貿易而積於無用也梓人匠人木工也輪人輿人車工也

侯之國儼然與公侯無異是不已踰越本分而敢爲侈泰乎孟子曰是何足爲侈泰凡君子於世辭受取與只視道何如耳非其道之所得則卽一簞食之微亦不可妄受於人而況其大如其道之所得則卽如舜受堯之天下人不得以爲泰而況乎其飲食之微今據子泰傳食之心將亦以舜受堯天下之大爲泰乎更曰否吾不以舜之受爲泰也但以凡食於人國者必有職事於朝而食之則有功相償不爲踰分方可以食若士於人國游歷之間未有所事而晏然享其供億是無功而食疑於素餐爲不可也故疑其泰耳孟子曰士果無事而不可食乎不知士之功固甚大也蓋人各有所爲之功與所司之事而因事致功有所羨於此卽有所不足於彼者其勢子不通人之功而交易其事以己之羨補人之不足以人之羨補己之不足其勢必有所難行卽以農與女論農出粟女出布農不以粟補女則



曰梓匠輪輿其志將以求食也  
君子之爲道也其志亦將以求  
食與曰子何以其志爲哉其有  
功於子可食而食之矣且子食  
志乎食功乎曰食志

孟子言自我而言固不求食自  
彼而言凡有功者則當食之

粟日積於有餘而不免於寒餘亦何用女不以布補農則布日  
積於有餘而不免於饑餘又何庸子如通之則豈特農女相資  
粟布相濟卽一技之微若梓人匠人輪人輿人皆得以其事食  
於子以有功故耳夫有功當食凡事之至小者且然況士之爲  
功於天下有至大者乎試看今天下邪說橫行諸侯放恣人盡  
不孝於親不弟於長因之崇尚權術習成狙詐而古先王仁育  
義正之道蕩然無存則後有興者安所從而學之世道人心吾  
不知其何所底止也乃於此有人焉入則盡孝而仁道立出則  
盡弟而義道立道立於己以誦法先王先王仁育義正之道常  
守而不墜以表正於世而後世學仁學義之士可待之以得興  
使天下後世皆知邪說之爲非富強之害治一歸於孝弟仁義  
則縱往開來挽世道人心於不替其爲功也大矣區區飲食之  
供何足償其萬一乃反以爲無功而不得食於子子何反尊重



曰有人於此毀瓦畫墁其志將以求食也則子食之乎曰否曰然則子非食志也食功也墁牆壁之飾也毀瓦畫墁言無功而有害也既曰食功則以士爲無事而食者豈尊梓匠輪輿而輕爲仁義者矣

夫梓匠輪輿之細而輕忽夫爲仁義之大者哉何其見之謬也更曰彼梓匠輪輿執技以事人其志將以其事求食也故因其志而予之君子之爲仁義之道也其志亦將以此求食與雖有功而無其志則不食之亦可豈必重彼而輕此哉曰子之食人何必以其君子之志爲哉只論其功而已其有爲仁義之功於子則理可以食而卽食之耳矣在君子並非居功而要食而蒙其功者自當食之以報功吾且問子平日之食人也將以其志之所在而食之乎抑以其功之所在而食之乎更不深思其理而妄爲強辯以堅其說曰食志食固當因其所求也乃詰之曰子旣食志則不論其有功與無功矣今設有人於此本以成子之瓦乃不善成而反毀敗之本以飾子之墁乃不善飾而反畫汙之無功而有害如此則不宜食之而原其毀之畫之之志亦將以此勞碌一番求食於子也則子食之乎曰否吾何爲食



○萬章問曰宋小國也今將行王政齊楚惡而伐之則如之何萬章孟子弟子宋王偃嘗滅滕伐薛敗齊楚魏之兵欲霸天下疑卽此時也

孟子曰湯居亳與葛爲鄰葛伯放而不祀湯使人問之曰何爲不祀曰無以供犧牲也湯使遺之牛羊葛伯食之又不以祀湯又使人問之曰何爲不祀曰無以供粢盛也湯使亳衆往爲之

之因隨折之曰子之否者亦以其毀瓦畫墁爲無功耳然則子平日之食人固非食志者也仍欲食功者也則士之有功當食愈彰彰明矣而傳食豈爲泰耶要之百工之事其功小而顯士之事其功大而隱睹其顯而不睹其隱反以爲泰是將使一貧之士既不能裹糧行游以爲匡濟之舉勢必至於爲石隱者流漠視斯世之不孝不弟背先王而迷後學已耳甚矣孟子之傳食誠有功而彭更之疑辨爲甚愚也

此章極言王政之無敵以明宋之不行王政意通章只重不行王政一句苟行下反言以決其不行也皆爲萬章將王政看錯不得不辨以示天下不然將萬世不知王政之爲何如矣○從來王政之行論君心之仁暴不論國勢之強弱君心仁則行事至公國雖小而強大不能爲敵君心暴則行事存私卽無強鄰而民望終無所屬乃萬章不知而以強鄰之有妨王政爲宋憂



耕老弱饋食葛伯率其民要其有酒食黍稻者奪之不授者殺之有童子以黍肉餉殺而奪之書曰葛伯仇餉此之謂也

葛國名伯嚭也放而不祀放縱無道不祀先祖也毫衆湯之民其民葛民也授與也餉亦饋也書商書仲虺之誥也仇餉言與餉者爲仇也

爲其殺是童子而征之四海之內皆曰非富天下也爲匹夫匹婦復讎也

曰夫政必宗王者今天下七雄爲暴無一行王政者矣不意宋本小國也今反能將伐暴安民以行王政不亦難得此僅事乎乃齊楚大國懼其不利於己惡而伐之則王政不得終行矣好事多磨深可浩嘆將如之何而後可以竟其所行不受制於強大也夫宋王無故逞兵一時倖勝並非有削平禍亂混一區宇之實心實政而以爲行王政則天下將不知王政之爲何如一誤矣又以爲強大得制則世主皆將畏行王政更誤矣孟子安得不斥宋王之所爲而辨明王政之實事哉日子以宋小強鄰惡伐而慮王政之難行乎孰知王政之行不論大小且看古之王者而可見如湯武是已湯能行王政之君也而其始則居於毫不過七十里之土地而已比於宋則更小宜湯之難行矣然而能實心愛民動無不公其時與湯爲鄰者有葛焉葛伯放縱無道不祀先祖湯心不忍使人問之曰祀先大典也何爲不然



非富天下言湯之心非以天下  
爲富而欲得之也。

湯始征自葛載十一征而無敵  
於天下東面而征西夷怨南面  
而征北狄怨曰奚爲後我民之  
望之若大旱之望雨也歸市者  
弗止芸者不鋤誅其君弔其民  
如時雨降民大悅書曰後我后  
后來其無訖

載亦始也十一征所征十一國  
也餘已見前篇

有攸不爲臣東征綏厥士女匪

四書一貫講

孟子

卷三下

七

卷三下

葛伯託詞曰國家貧乏無以供犧牲也湯誠信之欲成全其孝  
思使人遺之牛羊以供犧牲葛伯宜爲感化乃反食之又不以  
祀湯可已矣而不忍也又使人問之曰何爲不祀葛伯又托詞  
曰無以供粢盛也湯仍信之必欲成全其孝思使毫衆之壯者  
往葛地爲之耕其老弱者使之饋食耨耨者湯之愛葛宜有加無  
已矣葛伯必無不感化乃反帥其民要截其有酒食黍稻者奪  
之不授者輒殺之其時有童子以黍肉餉殺而奪之書曰葛伯  
仇餉正此殺童子而奪其黍肉之謂也葛伯至此其頑終不可  
化其暴虐之罪勢不容不誅湯以愛民之故不得復行姑息以  
愛葛於是爲其殺是童子而征之夫伐人之國人或不平乃當  
時不聞有惡之者但見合四海之內聞之皆信湯之心曰此非  
欲并取天下以爲富也爲凡匹夫匹婦報復其無罪被殺之讎  
也書曰夏王無道天下國之爲暴者多而葛尤甚且近故湯始



厥玄黃紹我周王見休惟臣附  
于大邑周其君子實玄黃于匪  
以迎其君子其小人簞食壺漿  
以迎其小人救民於水火之中  
取其殘而已矣

按周書武成篇載武王之言孟  
子約其文如此然其辭特與今  
書文不類今姑依此文解之有  
所不爲臣謂助紂爲惡而不爲  
周臣者匪與篚同玄黃幣也紹  
繼也猶言事也言其士女以匪  
盛玄黃之幣迎武王而事之也

征自葛載從此十一征而皆所至輒順合天下無一與之敵者  
其時但見東面而征西夷怨南面而征北狄怨曰奚爲後我觀  
書所言可見湯師未至民之望之若大旱時之望雨也及湯師  
既至民間秋毫無犯安堵無恐故商安於市而歸市者弗止農  
安於野而芸者不變誅戮有罪之君弔惜無罪之民大沛恩澤  
如時雨之降於大旱一般民望已慰莫不大悅書又有曰徯我  
后后來庶幾無虐政之罰矣觀書言其大悅洵不誣也此湯之  
以小國而實能行王政於天下者也其孰有強大之鄰惡而伐  
之者乎越數百年而有武王武王亦能行王政之君也岐豐百  
里亦僅小國而能實心戡亂動無不公書云有所助紂爲虐不  
思盡臣道者武王以其爲士女之害於是東征以綏安其士女  
但見士女皆用篚以盛厥玄黃之幣執之以往迎武王曰昔事殷  
今繼事我周王望見休美惟思執臣子之禮附就於大邑周書



商人而曰我周王猶商書所謂  
我后也休美也言武王能順天  
休命而事之者皆見休也臣附  
歸服也孟子又釋其意言商人  
聞周師之來各以其類相迎者  
以武王能救民於水火之中取  
其殘民者誅之而不爲暴虐耳  
君子謂在位之人小人謂細民  
也

太誓曰我武惟揚侵于之疆則  
取于殘殺伐用張于湯有光  
太誓周書也今書文亦小異言

言如此夫武王當日伐人之國殺人之君其在位之君子豈無  
一矢忠義者爲其君紓難乃何以商之君子實哀黃於篚以迎  
周之君子有如此其無位之小人豈無一愛君上者爲其君拒  
敵乃何以商之小人箝食壺漿以迎周之小人有如此此豈武  
王之邀結其君子小人而君子小人私媚於武王哉無他以商  
紂暴虐之至君子盡遭播棄小人盡被毒痛如陷於水火之中  
一般武王征之亦非以利天下爲心不過欲救民於水火之中  
取其殘民者誅之並不濫及無辜而已矣所謂取殘於何見之  
太誓有曰我王威武惟時奮揚以侵於紂之疆界則僅取其殘  
於民者誅之而殺伐之功用以張大比於湯之伐桀又有光顯  
觀於書言我取殘之說不信然哉此武王亦以小國而能行王  
政於天下者也其時孰有強大之鄰敢惡而伐之者乎觀於湯  
武而知今宋所行至畏齊楚之惡而恐伐之者何哉惟只爲不



武王威武奮揚。侵彼紂之疆界。取其殘賊而殺伐之功。因以張大。比於湯之伐桀。又有光焉。引此以証上文取其殘之義。

不行王政云爾。苟行王政四海之內皆舉首而望之。欲以爲君齊楚雖大何畏焉。

宋實不能行王政。後果爲齊所滅。王偃走死。○尹氏曰。爲國者能自治而得民心。則天下皆將歸往之。恨其征伐之不早也。尚何疆國之足畏哉。苟不自治而

能實行王政。如湯武云爾。滅滕伐薛。勝齊魏之兵。似乎奮發有爲。而其實不過逞兵肆毒。妄圖富強以濟其私。何嘗有誅君弔民。救水火以取殘之事。苟使其實能行王政。如湯武之爲匹夫匹婦復讎。救民水火。取殘而已。則將合四海之內。皆舉首而望之。欲以宋王爲其君。而亦有我后之後。玄黃之迎矣。彼齊楚雖大方。將懼宋之聲罪致討。覆亡之不暇。而欲牽其子弟以攻其父母。必不能也。又何畏其惡而伐之哉。今四海無舉首之望。而畏齊楚之惡。則非不行王政。而何。吾子未識行王政之爲何如。而鯁鯁然爲朱慮。開天下以畏行王政之心。不亦私憂過計也耶。洵乎行王政者在君心之仁暴。而不在國勢之強弱也。此章見人臣正君當廣進善類意。上喻下正。相形照應。當以善王爲主。而以善子點醒正意。歸重末二句。警其使賢者孤立。失善王之道。齊語喻爲善。楚語喻爲不善。一齊人四句。喻下節後。



以彊弱之勢言之是可畏而已矣。

○孟子謂戴不勝曰子欲子之王之善與我明告子有楚大夫於此欲其子之齊語也則使齊人傳諸使楚人傳諸曰使齊人傳之曰一齊人傳之衆楚人咻之雖日撻而求其齊也不可得矣引而置之莊嶽之間數年雖日撻而求其楚亦不可得矣

一段引而置之三句喻下節前一段在王所兩段是論其理且圓活說去到一薛居州二句方着實歸不勝身上○得賢始善者君之道進賢善君者臣之忠然而君子小人不容並立以衆君子之間而置一小人猶足以蔽主而敗類而况一賢孤立且不能安其身何能正君故善輔君者必當廣進善類而後有濟此自唐虞三代以來明良一德上下泰交未有不由此者也及至後世知此意者鮮矣不謂宋臣有戴不勝者知進善士以善王此亦僅事而無奈其以一薛居州當之殊失善王之道故孟子特謂之曰人臣事君孰不以善王爲欲今吾子之於宋王也亦欲其志仁當道以爲善歟夫欲善王自有善王之道得其道則有成失其道則無濟我今爲子明告之則且設一楚大夫於此既爲大夫則亦有善王之責而吾不具論論其善子一事父之於子何事不欲其善至於語之善爲至小然而卽小可以見



四書一貫言  
戴不勝宋臣也齊語齊人語也  
傳教也咻謹也齊齊語也莊嶽  
齊街里名也楚楚語也此先設  
譬以曉之也

子謂薛居州善士也使之居於  
王所在於王所者長幼卑尊皆  
薛居州也王誰與爲不善在王  
所者長幼卑尊皆非薛居州也  
王誰與爲善一薛居州獨如宋

大楚語馭舌不違齊語遠甚楚大夫因欲其子之齊語也固其  
情之所不能自已者則不得不求人以傳之子爲楚大夫計之  
則使齊人傳諸抑使楚人傳諸不勝曰欲學齊語必使齊人傳  
之曰傳以齊人誠是矣然齊人則僅一耳而其外楚人衆矣一  
齊人傳之而衆楚人咻之謹謹難遷所聽不專積習難變其傳  
雖日撻其子而求其齊語也不可得矣若大夫變計引而置其  
子於齊莊嶽之間且置之數年既專且久則多聞習見久與俱  
化雖日撻而求其仍爲楚語也亦不可得矣學語如此善王可  
知子謂薛居州立心制行誠善士也則有知人之明意其必能  
引君子善因使之居於王所以朝夕納誨又見任人之當而獨  
惜其知人而未能知之盡任人而未能任之多也子殆未爲王  
所之長幼卑尊計耳在王所者居州而外其爲長爲幼爲卑爲  
尊者不知其幾何常防如楚人之咻而使其皆薛居州也則王



王何

居州亦宋臣言小人衆而君子獨無以成正君之功。

○公孫丑問曰不見諸侯何義  
孟子曰古者不爲臣不見

不爲臣謂未仕於其國者也。此  
不見諸侯之義也。

段干木踰垣而辟之泄柳閉門

所聞皆善言。所見皆善行。猶夫置之莊獄。衆咻不聞。王雖欲爲不善。其誰與之。倘在王所者。居州而外。其爲長爲幼爲卑爲尊者。皆非薛居州。是僅一齊人傅也。善言入耳者。幾何。善行經目者。幾何。猶夫衆咻。襍進。積習難變。王雖欲爲善。又誰與之。王之善不善。分於善士之衆寡。如此而謂居州可恃乎。今子之所使者。特一薛居州耳。居州雖善。不惜竭忠盡智。朝夕訓誨而傳之者。一咻之者。百羣邪害正之下。居州且不自保。獨能如宋王何哉。子其廣進善類。以成善王之道可耳。不然。將爲楚大夫所竊笑也。不勝聞言當亦鑒於善子而翻然知所以善王矣。

此章總言不見諸侯之義。重古者一句。主自重說。段泄之迫焉而不見事。雖已甚而亦能守不見之節者。孔子之必先而後見。不先則必不見。雖不爲已甚而正善不見之權者。曾子子路則又守孔子之家法而亦必不輕見者也。趨操不同。同於不見。若



而不內是皆已甚迫斯可以見矣

段干木魏文侯時人泄柳魯繆

公時人文侯繆公欲見此二人

而二人不肯見之蓋未爲臣也

已甚過甚也迫謂求見之切也

陽貨欲見孔子而惡無禮大夫

有賜於士不得受於其家則往

拜其門陽貨矚孔子之亾也而

饋孔子蒸豚孔子亦矚其亾也

而往拜之當是時陽貨先豈得

不見

一輕見所養何在皆見譏於古人矣必遇文侯繆公之君而不見方爲已甚然亦勿太貶正見古人之寧過於守義處迫斯可見輕帶言說一先字爲豈得不見言與說一迫字爲斯可以見而言一般總之見處仍是不見脅肩諂笑未同而言不是指定見諸侯凡趨權勢者皆是君子卽指二子不作孟子自寓說養異於守守猶有意養則自然養可知含不見諸侯意○士貴自重不可輕見諸侯蓋士與諸侯道雖相須而分則懸絕故可見而見方不失身不可見而見便爲枉道自古賢聖君子養之有素故皆明於其義而不踰其節至戰國說士不知其義久矣惟孟子得統孔子獨自矜尚故公孫丑反疑爲創而問曰君子以行道爲心必欲得君而事今竟不肯往見諸侯此何義也孟子曰不見諸侯之義不自今昉也蓋自古者而已然矣夫諸侯君而尊者士卑也必旣爲之臣然後可出入君側商可否任驅策



此又引孔子之事以明可見之節也。欲見孔子，欲召孔子來見已也。惡無禮，畏人以己爲無禮也。受於其家，對使人拜受於家也。其門大夫之門也。矚窺也。陽貨於魯爲大夫，孔子爲士，故以此物及其不在而饋之，欲其來拜而見之也。先謂先來加禮也。曾子曰：「魯有諺，病於夏畦，子路曰：『未同面言觀其色。』」赧赧然非由之所知也。由是觀之，則君子之所養可知已矣。

耳。若不曾爲其臣，則無官守，不得律於君臣之分，而輕往見之。是干榮而爲失身矣。故古者寧守不見之節，此古人自重之義耳。何以見之？且看古人如段干木、泄柳、孔子與其門人曾子、子路輩而可見矣。魏文侯時有段干木，是不爲臣者；文侯慕其賢，往求見之，而彼則踰垣而辟之。魯繆公時有泄柳，是不爲臣者，繆公慕其賢，往求見之，而彼則閉門不納。是二子皆守不見之節者也，而未免已甚。蓋不見者只是我不往見耳，如君往求見，則誠意迫切，斯可以出而見之矣。可以見而不見，二子之過亦二子之高也。夫迫且不見，況不迫者乎？若夫得禮義之中正者，惟孔子。昔陽貨欲召孔子來見已，又惡人以己爲無禮，因禮有云：「大夫有賜於士，不得受於其家，則往拜其門。」陽貨以大夫自處者，孔子則士也。貨於是私矚孔子出，在外而饋孔子蒸豚。使孔子不得在家拜賜，必依禮來答拜，便可見之。孔子心知其



脅肩竦體諂笑強笑皆小人側媚之態也。病勞也。夏畦夏月治畦之人也。言爲此者其勞過於夏畦之人也。未同而言與人未合而強與之言也。赧赧慙而面赤之貌。由子路名言非己所知甚惡之之辭也。孟子言由此二言觀之則二子之所養可知。必不肯不俟其禮之至而輒往見之也。○此章言聖人禮義之中正過之者傷於迫切而不洪不及者淪於汙賤而可恥。

詐而又不欲見陽貨故亦矚其亾也。而往拜之。蓋當是時陽貨先加禮孔子。孔子豈得不往拜見之。若不先不見也。禮可答而身究不得見此孔子之行權以制宜而盡不見之道者也。夫士君子待時重道當以孔子爲準。故其及門弟子皆得孔子之家法。如曾子子路嘗有言矣。曾子曰。脅肩諂笑勞其身以媚人。病於爲夏畦者。子路曰。人之與人必深相契厚。道合志同而後可與深言。若未同而強與人言。言則言矣。視其色心慚面赤赧赧然若無所容如此之人。眞足愧士林。羞當世。非由之所知也。由是二子之言觀之。旣惡側媚必能以禮自閑。旣惡強合必能以義自制。則君子平日之所以涵養氣節者可知。皆光明正大直道不阿已矣。其不爲諸侯之臣能高不見之節也。豈顧問哉。凡此皆古者不見諸侯之義。今之諸侯如文侯繆公者旣不可得。大抵皆陽貨之流耳。而輕往見之是等於脅肩諂笑未同而言。



○戴盈之曰什一去關市之征

今茲未能請輕之以待來年然

後已何如

盈之亦宋大夫也什一井田之法也關市之征商賈之稅也已止也

孟子曰今有人曰攘其鄰之雞

者或告之曰是非君子之道曰

請損之月攘一雞以待來年然

後已

之徒所養何在。不特得罪孔子。其不爲段干木。泄柳。曾子。子路。所竊笑者幾何矣。可知孟子之不見諸侯。直得孔子之傳。而丑亦可以曾子。子路之遵孔子者。遵孟子也夫。

此章總見革弊當速意。不速則不止。攘利并將。攘名蓋天下之弊。始患不知。知患不改。知之更復何待。針砭待字深爲痛切。○人君爲治。節已裕民者。義也。貪利虐民者。卽非義。習於非義而不知。則因循不振者有之。知之則必速去其非義。而就義。猶恨前此之無以相償。乃爲徐徐姑待之說。陽借薄取之名。陰行貪取之實。其心一攘竊之心。其事與貪暴者無殊矣。○曰戴盈之。市義於孟子曰。今之世。橫征厚歛。吾蓋惻然傷之。因思古先王什一而賦。關市則譏而不征。此直仁政也。吾今欲法先王於農行什一之法。於商去關市之征。民生庶幾有幸。但今之時勢。積習已久。驟更之必有羣起而撓之者。故未能卽已。請先輕之以



攘物自來而取之也。損減也。

如知其非義斯速已矣。何待來

年

知義理之不可而不能速改。與月攘一雞何以異哉。

○公都子曰。外人皆稱夫子好辯。敢問何也。孟子曰。子豈好辯

安人情。且待來年。然後盡從而已之。使人不覺其難。此則革弊以漸之道。夫子以爲何如。夫迹其所爲。似乎揆情度勢。有一段爲民苦心。然而不已者。非義有待而爲者。豈遂爲義。何以曉之。曉之以攘道而已矣。意曰。子之說。直一攘雞之說也。今有人日攘其鄰之雞者。或告之曰。是取非其有之所爲。非君子可爲之道。曰。既非君子。則請從此損之。月攘一雞。以待來年。然後已。而不攘。夫一攘也。見之而告。告之而損者。何也。爲其非義也。今世橫征厚歛。同於攘竊。誠非義矣。故子欲已之。然使子不知而不已。猶有可已之機。吾可無爲子怪也。如既已知其非義。不可不已。斯當寤寐不安。奮往直前。速已之耳。而猶欲待之來年。瞻顧因循。如此。是來年終將不已也。卽已而今年坐視民困。甘爲非義。與月攘何異。何必待來年爲耶。可見戰國時人。皆攘利盈之。之爲此說。并欲攘名名實兼收。其爲非義益甚。噫。世之踞蹠者。



哉予不得已也

天下之生久矣一治一亂

生謂生民也一治一亂氣化盛衰人事得失反覆相尋理之常也

當堯之時水逆行汜濫於中國

蛇龍居之民無所定下者爲巢

上者爲營窟書曰洪水警余

水者洪水也

水逆行下流壅塞故水倒流而旁溢也下下地上高地也營窟

既不足以語義而好義者又不過如此宜王政之終不可復耳此章見聖賢扶持世道之意子豈好辯二句乃一章之大旨天下之生二句又是不得已而好辯之由中間歷敘治亂至昔者節一總結見撥亂爲治前聖皆不得已以起正人心節明己之不得已處末節又公其責於人以致求助之意要之敘古專爲自己辨白宜敘得簡省以歸重首尾爲是始而洪水猶氣數也至暴君代作則人事俱失矣然猶上虐下也至弑君父則下逆上矣然其亂賊猶止一身也至楊墨熾則天下皆亂賊矣世變愈趨愈下則救之爲愈難除口舌力爭外別無方法方恐一人之力挽回不來敢不辯乎一治一亂乃現成說個治亂相因無有已時至撥亂爲治意當補在言外洪水爲主澤水証之不可倒看掘地二句是用功處水行四句以成功言主在治水蛇龍鳥獸帶言勿平對江淮河漢舉大以包小堯舜節邪暴卽指君



穴處也。書虞書大禹謨也。洛水、洛洞無涯之水也。警戒也。此一亂也。

使禹治之。禹掘地而注之海。驅蛇龍而放之菹水。由地中行。江、淮、河、漢是也。險阻既遠。鳥獸之害人者消。然後人得平土而居之。

掘地掘去壅塞也。菹澤生草者也。地中兩涯之間也。險阻謂水之汜濫也。遠去也。消除也。此一治也。

臣爲此宮室園囿。言衣食旬住。邪暴句起。分兩截敘述。上已包括夏商下見紂益甚意。周公節首句是大旨。謨烈啓佑歸重。周公之力。上世衰節邪暴。卽指亂賊。孔子懼及吾爲此懼。兩懼字。正是不得已處。知我罪我都粘着天子之事說。春秋一治。非說當時只是存得個治法。使道理萬世光明。舉而行之。爲治不難耳。聖王不作二句。是處士橫議之由。楊墨是橫議之尤。楊墨四句。言橫議惡人之廣。爲我六句。言橫議滅倫之害。天下之言句。是言卽非楊墨。其言皆不出此兩端。無父無君。指目前楊墨是禽獸說。至節末率獸食人二句。方是流弊。公明儀一段。只引出率獸句。以起楊墨之率獸食人。不承上文來。不必泥合先聖。卽指堯舜周孔。閑字承好辨意說。距放俱閑中事。閑距放三字。相因欲閑。故距放正閑之實作心四句。申明不可不閑之故。以作心句爲主。此作字就民心之惑於邪說而言。與上作字就楊墨



堯舜既沒聖人之道衰暴君代  
作壞宮室以為汙池民無所安  
息棄田以為園囿使民不得衣  
食邪說暴君又作園囿汙池污  
澤多而禽獸至及紂之身天下  
又大亂

暴君謂夏太康孔甲履癸商武  
乙之類也宮室民居也沛草木  
之所生也澤水所鍾也自堯舜  
沒至此治亂非一及紂而又一  
大亂也

說者異此節順孟子口氣不可說此一治我亦二字緊承昔者  
來正人心是主腦尚虛領起息距放三項是實總以納歸承三  
聖內與正人心應而息又總距放在內息虛距放是實合正息  
距放承俱在言語上說方對準下好辯二字此不得已比前虛  
說不同要實實說既為天民之先覺便當以聖道為己責天下  
為己任不然楊墨流毒其罪難逃矣末節是餘意亦以見楊墨  
之當距。時至戰國邪說橫行人心不正世亂極矣欲撥亂為  
治者上既無堯舜之君禹周之相則其責不得不屬之師儒君  
相之撥亂在事功師儒之撥亂在口舌其難易緩急較然也孟  
子承孔子之統自應心孔子之心安得不與邪說辯不意外人  
反以好辯譏之公都子烏足以知此宜其疑而問也而孰知孟  
子之辯實有大不得已者在豈好之哉何為不得已凡以為天  
下生民計而已天下自有生民以來至於今久矣民生於世可



周公相武王誅紂伐奄三年討其君驅飛廉於海隅而戮之滅國者五十驅虎豹犀象而遠之天下大悅書曰丕顯哉文王謨丕承哉武王烈佑啓我後人咸以正無缺

奄東方之國助紂爲虐者也飛廉紂幸臣也五十國皆紂黨虐民者也書周書君牙之篇丕大也顯明也謨謀也承繼也烈光也佑助也啓開也缺壞也此三治也

治而不可亂而無如其間氣化在天者有一盛焉而治即有一衰焉而亂事理在人者有一得焉而治即有一失焉而亂治不生于治而生於亂亂不生於亂而生於治治亂倚伏如環無端莫有已時國生民所無可如何也所賴生民之中挺生聖賢盡人事以回氣化有以補天地之窮造生民之命而撥亂爲治焉然則君子倘值亂世其能諉其責而默然無言乎試以生民以來之一治一亂者備言之鴻濛之世荒遠難稽我且言其可據者大約自堯始當堯之世其水壅塞而逆行至橫流氾濫於中國水盛則龍蛇居民之地爲民之害民畏避之而遷徙不常無有寧居卑下之地構木爲榭鰲魚之爲巢也高原上地鑿土營室猶獸之有窟也其無定如此書載舜曰洚水警余舜所云洚水者正指堯時之洪水也此氣化未開人事未施而天下一亂也水患物害民人不得平土而居如此惟時堯憂於上而不能



世衰道微邪說暴行有作臣弑其君者有之子弑其父者有之此周室東遷之後又一亂也

孔子懼作春秋春秋天子之事也是故孔子曰知我者其惟春秋乎罪我者其惟春秋乎

胡氏曰仲尼作春秋以寓王法停典庸禮命德討罪其大要皆天子之事也知孔子者謂此書之作遏人欲於橫流存天理於既滅爲後世慮至深遠也罪孔子者以謂無其位而託二百四

獨治不得已而舉舜舜憂於下亦不能獨治而使禹治之禹承堯舜之命亦不得已於是身任其勞掘地之壅塞而注之海以除水害因而驅逐龍蛇之盤踞而放之菹以除物害功施而效見於是水循其性莫不由地中行而泛濫息卽今如江淮河漢之安流是其大者也天下莫險阻於洪水而今已既遠蛇龍失所依而遠遁而前此鳥獸之因洪水以害人者亦消禹當日不知費盡多少精神然後中國之人得平土而居之不至上巢下窟由是教稼明倫而人樂生矣使禹憚勞而辭之忍視民爲魚乎此禹之不得已以人事挽回氣化而天下一治也然此當堯舜在時則然耳及其既沒聖人之正道衰歷夏商之間暴君代作如何暴宮室民所居以安息也乃壞之以爲汙池而安息無所矣田民所耕以衣食也乃棄之以爲園囿而衣食不得矣顧其時雖亂而猶未甚至其後害民之邪說暴行又作園囿汙池



四書章句  
卷三  
一  
序後

十二年南面之權使亂臣賊子禁其欲而不得肆則戚矣愚謂孔子作春秋以討亂賊則致治之法垂於萬世是亦一治也

聖王不作諸侯放恣處士橫議楊朱墨翟之言盈天下天下之言不歸楊則歸墨楊氏爲我是無君也墨氏兼愛是無父也無父無君是禽獸也公明儀曰庖有肥肉廄有肥馬民有飢色野有餓莩此率獸而食人也楊墨之道不息孔子之道不著是邪

沛澤愈多禽獸得人君畜養而交至爲害及紂之身天下之又亂也大矣此固人事之失而亦氣化之衰也此時生民苦於殘殺其視洪水之猶或得避者更甚而猶賴有周公出焉相武王以除暴救民乃誅紂奄在東方國大無道特伐之三年乃得誅討其君飛廉紂諛臣罪當誅而并不可與同中國乃驅之海隅而戮之又滅與紂共爲亂者五十國而人害除驅紂圍囿中虎豹犀象而遠之而物害除於是天下亂極思治之心得遂皆大感悅其無害而得安也豈特西土江漢之人而已哉書曰丕顯哉乃文王創造之謨丕承哉乃武王致治之烈其以是佑助開導吾後人者咸屬正大不偏之道而又事事周詳無一缺畧此雖文武貽謀之善孰非周公輔相之以繼承佑啓成此撥亂之功乎此天下所以大悅也向使周公憊勞而辭之忍視民之荼毒乎此公之不得已以人事挽回人事與氣化而一治也及至



說評民之塞仁義也仁義充塞則率獸食人將相食

楊朱但知愛身而不復知有致身之義故無君墨子愛無差等而視其至親無異衆人故無父無父無君則人道滅絕是亦禽獸而已公明儀之言義見首篇充塞仁義謂邪說徧滿妨於仁義也孟子引儀之言以明楊墨道行則人皆無父無君以陷於禽獸而大亂將起是亦率獸食人而人又相食也此又一亂也

周世既久衰而不振文武之道微而不明權謀詭計反常悖理之說僭竊姦宄逆倫亂經之行有作以臣而弑其君者有之以子而弑其父者有之此真暴行之尤又一亂也此時人倫廢而人性壞以視暴君僅殘民之生者又甚矣上既無堯舜之君以主救民之責下又無禹周之相以輔救民之治獨有一孔子雖無其位而抱德於已不得不有心世道故甚憂懼夫正道滅因作春秋一書以維持之是春秋也本屬魯史假之以寓王法筆則筆削則削敘上下之倫秩尊卑之分有善者必褒有罪者必貶其大要皆奉行天子賞罰天下之事也惟爲天子之事是故孔子曰世有以心知我而謂以片言之間正一王之法使君臣父子之倫大明於世者其惟是春秋乎世有以迹非我而謂以匹夫之賤假天子之權使褒善貶惡之下欲不得肆者其惟是春秋乎任其知我罪我我自盡我心而已向使孔子懼罪而



吾爲此懼。閑先聖之道距楊墨放淫辭。邪說者不得作。作於其心。害於其事。作於其事。害於其政。聖人復起。不易吾言矣。

閑衛也。放驅而遠之也。作起也。事所行政大體也。孟子雖不得志於時。然楊墨之害。自是滅息。而君臣父子之道。賴以不墜。是亦一治也。程子曰。楊墨之害。甚於申韓。佛氏之害。甚於楊墨。蓋楊氏爲我疑於義。墨氏兼愛疑於仁。申韓則淺陋易見。故孟子

不作。忍視民之亂賊乎。此孔子之不得已。以人事挽回人事。與氣化以垂教後世。使歸於治。此亦一治也。自孔子既沒。聖王久已不作。無以肅紀綱而維世教。故列國諸侯力戰相爭。放恣於法紀之外。而異端之處士。因各以其一家之言。橫議於下。如楊朱墨翟。乃橫議之尤者。其造爲言說。布滿天下。天下之言學術者。無論是非。楊非楊。是墨非墨。而所言不歸於楊。則歸於墨。橫議之惑人如此。彼楊氏但知愛身而不復知有致身之義。是無君也。墨氏但知兼愛而視其親。無異於路人。是無父也。夫人之所以爲人。而不同於禽獸者。以其有此君臣父子之倫耳。今楊墨無父無君。則人道滅絕。是亦禽獸也。而以此率人。其爲害當何如耶。昔公明儀嘗言曰。人君庖有肥肉。廄有肥馬。以致民有饑色。野有餓莩。此虐政之率獸而食人也。今楊墨爲我兼愛之道。不息。則孔子君父仁義之道不著。是邪說誣民。而仁義遂爲之



止闢楊墨爲其惑世之甚也。佛氏之言近理。又非楊墨之比。所以爲害尤甚。

昔者禹抑洪水而天下平。周公

兼夷狄。驅猛獸。而百姓寧。孔子

成春秋而亂臣賊子懼。

抑止也。兼并之也。總結上文也。

詩云。戎狄是膺。荆舒是懲。則莫

我敢承。無父無君是周公所膺

也。

論見上篇。承當也。

我亦欲正人心息邪說。距詖行。

充塞也。仁義充塞。則人皆無父無君。以陷於禽獸。而大亂將起。是楊墨既率獸以食人。而人之歸之者。將轉輾相食矣。此氣化衰。人事失。而天下又一亂也。夫世道之變。至於無君父。則人盡亂。賊以視弑君父之偶在。一人者。又甚矣。而孔子既往。誰任其責。吾今既生孔子之後。自當心孔子之心。而得不懼乎。惟爲此而深爲天下生民懼。意欲閑衛先聖仁義之道。使之大明於世。則不得不於楊墨之學。深距而痛絕之。以放斥其淫蕩之辭。使天下之人。曉然知其說之爲邪。而不從其教。則邪說者不得作。起以誣民。而先聖之道。乃得以閑。是爲何故。蓋因邪說之橫。實本於心術。夫心爲政事之原。人若爲其所蠱惑。而作起於其心。心邪。則將無所不邪。日用舉止。皆悖正。而害於其事。事害。則世道紀綱。俱反常。而害於其政。端甚微。而禍甚大。此理之必然。雖自後有聖人復起。當不易吾作心害事。作事害政之言矣。使不



放淫辭以承三聖者豈好辯哉

予不得已也

諛淫解見前篇辭者說之詳也

承繼也三聖禹周公孔子也蓋

邪說橫流壞人心術甚於洪水

猛獸之災慘於夷狄篡弑之禍

故孟子深懼而力救之再言豈

好辯哉予不得已也所以深致

意焉然非知道之君子孰能直

知其所以不得已之故哉

能言距楊墨者聖人之徒也

言苟有能爲此距楊墨之說者

距而放之先聖之道何由闕而天下何由治乎此又人事之不可不盡者也合而觀之而知古聖人不得已之心矣堯時之洪水賴禹出而抑之而天下始得平治禹不抑而平於何由則禹豈好爲抑也紂時之夷狄猛獸賴周公出而兼之驅之而百姓始能安寧周公不兼驅而寧於何自則周公豈好爲兼驅也周衰之春秋賴孔子出而成之而亂臣賊子始知所懼孔子不成而懼於何能則孔子豈好爲成也而謂今之甚於洪水夷狄猛獸亂賊者反可聽之乎詩云戎狄是膺荆舒是懲則莫有敢承當我者此詩言周公正夷夏之防其嚴如此今楊墨無父無君與夷狄無異正是周公之所必膺者也乃三聖既往而承三聖之統者今無其人惟有我在而已我欲承三聖而何以承之非取今之人心而正之不可而人心之不正皆由楊墨之邪說作爲諛行以實之著爲淫辭以暢之之故則非距絕其諛行放斥



則其所趨正矣。雖未必知道是

亦聖人之徒也。孟子既答公都

子之問。而意有未盡。故復言此

蓋邪說害正。人人得而攻之。不

必聖賢。如春秋之法。亂臣賊子

人人得而誅之。不必士師也。聖

人救世立法之意。其切如此。若

以此意推之。則不能攻討而又

倡為不必攻討之說者。其為邪

說之徒。亂賊之黨。可知矣。

學者於是非之原。毫釐有差。則

害流於生民禍及於後世。故孟

子辯邪說如是之嚴。而自以為

其淫辭。使邪說盡息。則人心終不得而正。故我今亦欲講明仁

義之道。以正陷溺之人心。勢不得不先止息其為我兼愛之邪

說。使誠行以距淫辭。以放以上承夫三聖撥亂反正之功者。惟

特此口舌之辯耳。辯之猶恐其不明。不辯何恃而得明。然則子

之與楊墨。辯與三聖之或抑或兼或驅或成。有同心也。而豈好

為之哉。予蓋畏天命。悲人窮。憂之深。而言之切。有所大不得已

而然也。彼外人不知楊墨之害。無心天下之治。烏足以知我之

心耶。且是豈特我不得已。三聖之道。人人得而承之。則距楊墨

之言。亦人人得而言之。自今以後。不必求其德行崇高才猷超

邁者。以化導整治。夫楊墨而後。可以上繼大聖人。但能辯明夫

邪正之言。以距彼楊墨者。是即有功於聖人。而為聖人之徒類

也。吾將望天下之人。為聖人之徒。以其距夫楊墨。則我亦幸甚。

乃人既不能公言。諉其責於我一人。使我孤而無助。勞而多艱。



好辯目之是以常人之  
心而度聖賢之心也

○匡章曰陳仲子豈不誠廉士

哉居於陵三日不食耳無聞目

無見也井上有李螬食實者過

半矣匍匐往將食之三咽然後

耳有聞目有見

匡章陳仲子皆齊人廉有分辨

不苟取也於陵地名螬螬螬蟲

也匍匐言無力不能行也咽吞

也

孟子曰於齊國之士吾必以仲

子爲巨璧焉雖然仲子惡能廉

已可憾矣顧不諱予心又以爲好辯不愈可悲也哉隱孟子以  
儒生之口辯當君相之事功其爲世道人心計至深遠矣此所  
以能守先待後而爲孔子之徒之一人歟

此章闢矯廉之非重惡能廉一句下皆發明之從廢倫反面說  
其不廉故云不能克操不然妻食何不可食於陵何不可居乎  
前段以食槁壤飲黃泉律仲子見尚有資於人爲不能廉後段  
因匡章疑爲太刻故以母食不食見室不居剛其餘則知不爲  
刻而矯廉之不可爲矣蚋字借來見無求夷跖借來見義不義  
重蹈一邊然俱不必泥着居食不能知蚋已見不能克操其從  
來義不義又未可知益見不能克操作兩層看世家節是敘事  
下節是斷案○士人立節固貴廉介然而與倫物相交豈能一  
無所取但能以義爲準義則取不義則不取便足爲廉若矯爲  
廉而敗其倫常何可爲廉而况倫常一敗必不能成其矯廉之



克仲子之操則蚓而後可者也

操乎以匡章之悲其死母不欺生父宜其明乎此矣乃不意其  
巨擘大指也言齊人中有仲子  
如衆小指中有大指也克推而  
滿之也操所守也蚓邱蚓也言  
仲子未得爲廉也必若滿其所  
守之志則惟邱蚓之無求於世  
然後可以爲廉耳

夫蚓上食稿壤下飲黃泉仲子  
所居之室伯夷之所築與抑亦  
盜跖之所築與所食之粟伯夷  
之所樹與抑亦盜跖之所樹與  
是果可知也

竟以仲子爲廉斤斤於居食之細誇於孟子之前曰廉美節士  
之所尚也顧托於廉者有之誠爲廉者絕少吾今觀於齊之陳  
仲子豈不誠爲廉潔之士哉何以見之卽其一居食之間而可  
見夫人之切於身者莫如居食居不堪而食不給安能不喪其  
所守而仲子之居則不堪之極矣於陵何地一椽是棲何安於陋  
也仲子之食則不給之至矣三日不食耳無聞目無見也適井上  
有李蟠食其實者已過半仲子匍匐往將食之三咽然後耳有  
聞目有見半李延生何甘於餓也居食一無所累如此非誠廉  
士而何孟子曰子以是廉仲子乎夫古今之爲廉者不乏而吾  
不具論仲子齊國之士也不必高比吾且比之於齊國之士之  
中夫齊俗急功利喜夸詐故其士皆沉溺於富貴而今仲子獨  
清苦如此吾自必以仲子爲矯矯出羣而若巨擘焉矣雖然且



稿壤乾土也黃泉濁水也抑發  
 語辭也言蚓無求於人而自足  
 而仲子未免居室食粟若所從  
 來或有非義則是未能如蚓之  
 廉也

曰是何傷哉彼身織屨妻辟纁  
 以易之也

辟纁也纁練麻也

曰仲子齊之世家也兄戴蓋祿  
 萬鍾以兄之祿為不義之祿而  
 不食也以兄之室為不義之室  
 而不居也辟兄離母處於於陵

無論其廉非中正即矯強為廉亦必能成其矯強無如仲子則  
 惡能自遂其廉哉夫廉者之為操乃有分辨不苟取之謂非以  
 不取為操也而仲子獨以不取為操則必將充滿其不取之分  
 量以為操果欲充之必如蚓而後可充其操以成其廉也夫蚓  
 何如其時而上也則所食者稿壤而已時而下也則所飲者黃  
 泉而已是二物者皆人世所棄而蚓獨取之是蚓誠一無求於  
 世也今仲子之居能如蚓之居乎仲子之食能如蚓之稿壤黃  
 泉乎求於陵以為居求粟以為食何莫非人世之物其不能充  
 其不取之操固已而况仲所居之室之所自來伯夷之所築與  
 抑亦盜跖之所築與所食之粟之所自來伯夷之所樹與抑亦  
 盜跖之所樹與是其樹築之人或夷或跖皆未可知也如皆出  
 於夷而非跖則可食可居如一出於跖而非夷而居之食之是  
 與跖為類而蚓之不若矣其不能充操也更甚而欲成其矯廉



他日歸則有饋其兄生鵝者已  
頻顧曰惡用是鰼鰼者爲哉他  
日其母殺是鵝也與之食之其  
兄自外至曰是鰼鰼之肉也出  
而哇之

世祿世卿之家兄名戴食采於  
蓋其入萬鍾也歸自於陵歸也  
已仲子也鰼鰼鵝聲也頻顧而  
言以其兄受饋爲不義也哇吐  
之也

以母則不食以妻則食之以兄  
之室則弗居以於陵則居之是

何可得也章曰是其居室食粟亦何傷於其爲廉哉卽以食言  
彼非妄食也仲子身親織屨其妻親辟纊以易粟而食也自食  
其力如此非不義而取諸人者而居可知矣則其有居食何害  
其爲廉而必問及其所自來不亦責人以太難乎孟子曰子以  
自食其力遂爲廉亦未知仲子之家爲何如者矣使仲子生於  
單寒素無一椽之寄一頃之田又無骨肉之援而孑然一身則  
苦節自甘固其宜也而仲子則非然矣蓋居然齊之世家也有  
兄名戴食祿於蓋萬鍾爲享此祿乃王朝大典非得之不義者  
則其居亦非不義之居矣仲子卽食兄之祿居兄之室固理所  
宜然情所必至乃矯情違理以兄之祿爲不義之祿而不食也  
以兄之室爲不義之室而不居也欲避其兄并離其母僻處於  
於陵之地彼自以於陵爲義於兄之居矣及他日歸省其母則  
見有饋其兄生鵝者此亦交際常理饋者不爲汙吾受者不爲



尚爲能克其類也乎若仲子者

蚓而後克其操者也

言仲子以母之食兄之室爲不義而不食不居其操守如此至於妻所易之粟於陵所居之室既未必伯夷之所爲則亦不義之類耳今仲子於此則不食不居於彼則食之居之豈爲能克滿其操守之類者乎必其無求自足如邱蚓然乃爲能滿其志而得爲廉耳然豈人之所可爲哉○范氏曰天之所生地之所

貪取何足介意而仲子反己又以爲不義類類願額曰惡用是  
覬覦者爲哉此蓋自以爲廉而鄙兄之貪也吾知仲子決不食  
其肉矣乃其母憐其子向日之淡泊又恐其兄在家爲前言所  
碍故至他日始殺是鵝也而與之食之及食未幾其兄適自外  
至喜其弟之改迂爲圓因戲之曰是覬覦之肉也仲子不覺慚  
愧又欲示兄以不爲不義所累因出而哇之卽饋鵝一事而一  
譏一食一哇其爲矯情不亦甚乎其操如此吾爲克其操母食  
不食則母之外無有可食者矣兄室下居則兄之外無有可居  
者矣乃居於陵而食妻所易之食是以母則不食而以妻則食  
之以兄之室則弗居而以於陵則居之盜跖其母兄而伯夷其  
妻與於陵如是尚爲能克其不食不居之類也乎不克其類則  
必不能克其操矣故曰若仲子者必無求於人如蚓而後克其  
操者也人安能爲蚓蚓亦何能成仲子之廉而又何取乎仲子



養惟人爲大人之所以爲大者。  
以其有人倫也。仲子辟兄離母。  
無親戚君臣上下。是無人倫也。  
豈有無人倫而可以爲廉哉。

之廉哉。言及此。匡章當亦曉然於孟子立論之非苛。仲子矯廉之不可。而求所謂中正之廉焉可矣。



